


本紀



高宗
孝宗

明監本宋史
卷六



本紀卷第二十九

宋史二十九

開禧三司舊置國庫司置長相兼樞密領錢運事都察院等奉

勅修

高宗六

八年春正月戊子朔帝在達康丙申減臨安府夏稅
折輸錢戊戌張守罷辛丑偽齊知壽州宋超率兵民
來歸蔡州提轄白安時殺金將兀魯執其守劉永壽
來降詔以方議和好蔡沿海州却遣人過淮招納丁
未大閱張俊宣戊申以兵部侍郎胡世將為四川安
撫制置使二月戊午劉錡入見減達康府夏稅折輸



錢蠲民戶遠租和市科調庚申日中有黑子以呂頤浩為江東安撫制置大使兼行宮留守壬戌岳飛乞增兵不許癸亥帝發遣庚丙寅以胡安國春秣傳成書進書具文閣直學士戊寅帝至臨安己卯以戶部尚書章誼為江東安撫制置大使兼行宮留守呂頤浩為醴泉觀使甲申減紹興府和市絹萬匹三月己丑以知南外宗正事仲溫副樞壬庚寅以禮部尚書劉大中參知政事兵部尚書王庶為樞密副使壬辰復以秦檜為尚書右僕射同中書門下平章事兼樞密使甲午陳與義為戊戌增夔州路路分都監一員修

治關隘蠲義兵己亥蠲重慶及牛稅以李天祚為靜海軍節度使交趾郡王壬寅定以故相韓忠彥配享徽宗廟廷丁未蠲所過州縣民積欠稅賦戊申蠲江西湖南諸州月椿錢各萬緡己酉命考覈川陝宣撫司便宜所授官員濫充甚者悉與裁減夏四月庚申初置戶部和糴場于臨安壬戌遣王庶巡視江淮邊防丁丑復置六路發運司癸未詔三衙管軍輪宿禁中五月庚戌詔鎮江府募橫江軍千人竄風內侍羅會于海島庚子禁貧民不舉子其不能育者給錢養之壬寅貶劉子羽為單州團練副使漳州安置丁未金

國使烏陵思謀石慶充與王倫等偕來戊申以資政
殿學士葉夢得為江東安撫制置大使己酉王庶至
淮南徵張宗顏將兵七千屯廬州巨師古三千屯太
五州分韓世忠軍屯泗州及天長縣六月壬戌賜衍
聖公孔玠衢州田五頃奉先聖祠事及亥趙鼎上重
修舊宗實錄乞申賜禮部進士黃公度以下三百九
十五人及第出身王庶自淮南還入見乙亥以中護
軍統制張宗顏知廬州命劉錡率兵移屯鎮江府丁
丑烏陵思謀石慶充入見秋七月乙酉朔復命王倫
及藍公佐奉迎梓官錄司馬光曾孫伋補承務郎卒

亥慧出東方八月戊午詔日者遣使報聘鄰國期還
梓宮尚慮邊臣未諭遂弛戎備以疑衆心其各嚴飭
屬城明告部曲臨事必戒無忘扞禦甲子蠲江東路
月椿錢萬二千緡有奇丁丑慧滅遣監察御史李宥
宣諭江西措置盜賊冬十月丁巳劉大中罷甲戌趙
鼎罷乙亥日中有黑子丁丑金國使張通古蕭哲與
王倫偕來韓世忠乞奏事行在不許戊寅樞密副使
王庶乞免簽書和議文字累疏求去不許十一月甲
申以翰林學士承旨孫近參知政事丙戌遣大理寺
丞薛倬朱斐詣廣南路決滯獄戊戌王倫入見己亥

復以倫爲國信計議使中書舍人蘇符副之符辭以疾庚子以孫近兼權同知樞密院事辛丑詔金國遣使入境欲朕屈已就和命侍從臺諫詳思條奏從官張燾是數復魏疇曾開李彌遜尹焞梁汝嘉樓炤蘇符薛徽言御史方廷實皆言不可甲辰王庶罷辛亥以樞密院編脩官胡銓上書直諫斥和議除名昭州編管壬子改差監廣州都鹽倉十二月甲寅以趙鼎爲醴泉觀使乙卯以宗正少卿馮楫爲國信計議副使己未以吏部尚書李光參知政事戊辰王倫言金使稱詔諭江南其名不正秦檜以未見國書疑爲封

冊帝曰朕嗣守祖宗基業豈受金人封冊癸酉館職胡瑄朱松張擴凌景夏常明范如圭上書極論不可和甲戌以端明殿學士韓肖胄簽書樞密院事乙亥命肖胄等爲金國奉表報謝使丙子張通古蕭哲至行在言先歸河南地徐議餘事以監察御史施廷臣爲侍御史權吏部尚書張燾侍郎吳敦復以廷臣主和議而升用執奏不行御史中丞勾龍如淵右諫議大夫李誼殿中侍御史鄭剛中凡再至都堂及宰執議取國書丁丑詔金國使來盡割河南陝西故地通好于我許還梓宮及母兄親族餘無需索令尚書省

榜諭庚辰帝不御殿以方居諒陰難行吉禮命秦檜
攝冢宰受書以進是月虛恨蠻犯嘉州忠鎮砦是歲
始定都于杭

九年春正月壬午朔帝在臨安丙戌以金國通和大
赦河南新復州軍官吏並不易置蠲其民租稅三年
徭役五年以王倫同簽書樞密院事充奉護梓宮迎
請皇太后交割地界使戊子遣判大宗正事士褒兵
部侍郎張燾詣河南修奉陵寢庚寅賜劉光世號和
衆輔國功臣張俊加少傅安民靖難功臣韓世忠為
少師張俊復左宣奉大夫辛卯以尹焞為徽猷閣待

制提舉萬壽觀兼侍讀焞力辭不拜壬辰加岳飛吳

玠並開府

儀同三司楊沂中太尉癸巳建皇太后

宮甲午金宿州守臣趙榮來歸丙申金主詔諭河南

諸州以割地歸我之意改發運經制司為經制司命

戶部長貳一人領使仍置副或判官戊戌以王倫為

東京留守郭仲荀為副戶部侍郎梁汝嘉兼江淮荆

浙閩廣路經制使司農卿霍蠡為判官己亥以吳玠

為四川宣撫使二月癸丑以徽猷閣待制周聿為陝

西宣諭使監察御史方廷實宣諭三京淮北丁巳以

郭仲荀為太尉東京同留守慕洧寇環州戊午以知

金州郭浩為陝西宣撫判官壬戌以李剛為湖南路
安撫大使張浚知福州尋復資政殿大學士為福建
路安撫大使命周聿方廷實蒐訪隱士甲子均定諸
州縣月椿錢已巳以郭浩為陝西宣諭使壬申命修
徽宗實錄癸酉詔盜賊已經招安而復嘯聚者發兵
加誅毋赦是月日中有黑子月餘乃沒江西統制官
李貴以其軍歸楊沂中三月丁亥以和州防禦使璩
為保大軍節度使封崇國公丙申王倫受地于金得
東西南三京壽春宿亳曹單州及陝西京西之地兀
木還祁州已亥分河南為三路廢拱州辛丑以翰林

學士樓炤簽書樞密院事甲辰偽齊知開封府鄭億
年上表待罪召赴行在丁未正偽齊所改州縣名是
春夏人陷府州夏四月庚戌朔呂頤浩薨辛亥命樓
炤宣諭陝西諸路壬午金鄰延路經畧使關師古上
表待罪命知延安府癸丑落趙鼎奉國軍節度使為
特進仍知泉州金陝西諸路節制使張中孚上表待
罪命為檢校少保寧國軍節度使知永興軍節制陝
西諸路軍馬甲子以觀文殿學士孟庾為西京留守
資政殿學士路允迪南京留守丙寅金秦鳳經畧使
張中彥上表待罪命知渭州以孫近兼權同知樞密院事

壬申移壽春府治淮北舊城癸酉詔新復諸路監司
帥臣按劾官吏之殘民者韓世忠張俊入見五月庚
寅奉迎東京欽先孝思殿累朝御容赴臨安辛卯復
命江淮守臣二年為任乙未復置淮東提舉茶鹽司
卯復召募耆長法丙午鄜延副將李世輔部兵三千
自鳳翔來歸賜名顯忠六月庚戌皇后邢氏崩于五
國城辛亥夏國主乾順卒壬子樓炤以東京見卒四
千四百人為忠銳三將庚申盜入邵武軍壬戌以新
復州縣官吏懷不自安降詔開諭己巳吳玠薨壬申
樓炤承制以李顯忠為護國軍承宣使樞密行府前

軍都統制率部兵及吳國招撫使王樞赴行在癸酉
澧州軍事推官韓絳至上書論講和非計送循州編
管乙亥以孟庾兼雷州留守王倫自東京赴金國議
事樓炤承制以楊公為熙河經畧使吳玠為秦鳳經
畧使仍並聽四川宣撫司節制郭浩為鄜延經畧使
同節制陝西軍馬丙子分宣撫司兵四萬人出屯熙
秦六千人隸郭浩留吳玠精兵二萬人屯興元府與
洋二州戊寅置發引務于水興軍是月撫州兵變伍
俊謀據州源復叛湖北安撫薛弼召誅之秋七月甲
申以文臣為新復諸縣令丙戌東京耆老李忠松寇

寧等二百人奉表稱賀皆引見補官還復置都水
南北丞各一員丁亥金人拘王倫于中山丙申命詳
驗劉豫偽官換給告身乙巳給還偽齊所沒民間資
產以胡世將兼權主管四川宣撫司八月己酉復准
南諸州學官庚戌賜陝西諸軍冬衣緡十五萬匹命
前川陝宣撫司使宜所補官限一年自陳換給告身
丙辰金國以撻懶主和割地疑其二心殺之壬戌蜀
成都潼川路歲輸對糴等米五十四萬石水運錢七
十九萬緡乙丑給新法度牒紫衣師號錢二百萬緡付
陝西市軍儲己巳命陝西復行鐵錢庚午遣蘇符等

使金賀正旦乙亥遣前知宿州趙鼎知壽州王成俱
還金國以關師古為行營中護軍前軍統制九月己
卯命鄜延秦鳳熙河路招納蕃部熟戶及陷沒夏國
軍民丙戌封叔士儂為齊魯郡王庚寅罷經制司令
提刑兼領常平事申午冬大心殿曰慈寧丙申以
威州防禦使溫濟告韓世忠陰事勸其南建州編管
世忠又奏欲殺之詔移萬安軍己亥郭仲荀率東京
兵五千至鎮江冬十月辛亥詔侍從官各與所知二
人王倫見金主于御林子被拘于河間遣其監公
佐先歸甲寅王樞入見併其俘百九十八人皆縱還

夏國已未蜀階成岷鳳四州民從之辛戌辰慈寧宮
成甲戌巳中有黑子丙子賜李顯忠宣賞錢十萬緡是
月岳飛入見十一月戊寅賜吳玠家錢三萬緡以
其弟璿為龍神衛四廂都指揮使申命刑部大理官
編次刑名斷例癸未嗣漢王仲傑亮己丑詔三省官
屬詳覆在京通用令遠復張所為直龍圖閣十一月
甲寅命續編紹興因革禮甲子李光罷戊辰命續修
元豐會要兀术留蘇州等寺于東京謀復取河南
十年春正月丙戌遣吳玠將等克迎護梓官去迎丙官
使辛卯李綱薨甲辰公顯謨閣直學士提舉醴泉觀

鄭億年復資政殿學士奉朝請二月戊申命陝西復
募蕃漢弓箭手詔賊吏罪抵死情犯甚者奏取旨妾
兩電以劉錡為東京副留守李顯忠南京副留守壬子
命兩宗正官各舉所知宗室二人癸丑展省試期一
年壬戌詔新復州軍蒐舉隱逸諸路經理屯田丁卯
罷史館以日曆歸秘書省置監修國史官以孟庾知
開封府為東京留守仇愈知河南府西京留守癸酉
罷吏部審量宣和濫賞二月甲申封闕伯為商丘宣
明王戊子增印錢引五百萬緡付宣撫司市軍儲川
陝宣撫副使胡世將屢言金人必渝盟宜為備己丑

罷諸路增置稅場韓世忠張俊入見始罷內教復營
建康行宮丙申蘇符自東京還丁酉命川陝宣撫司
軍事不及待報者聽隨宜措置己亥以郭浩知永興
軍兼節制陝西諸路軍馬楊政徙知興元府是月命
胡世將與夏人議入貢夏人不報夏四月丙午訪求
亡逸曆書及精於星曆者辛酉以張中孚為醴泉觀
使中彥提舉祐聖觀趙彬為兵部侍郎癸亥命部使
者歲舉廉吏一人庚午復四川諸州學官壬申韓肖
胄罷五月己卯金人叛盟兀朮等分四道來攻甲申
名徽宗御制閣曰敷文乙酉兀朮入東京留守孟庾

以城降知興仁府李師雄知淮寧府李正民及河南
諸州繼降丙戌金人陷拱州守臣王慥死之撒离曷
自河中趨永興軍陝西州縣官皆降丁亥金人陷南
京留守路允迪降劉錡引兵至順昌府己丑金人陷
西京留守李利用副總管孫暉皆棄城走鈐轄李興
率兵拒戰不克辛卯胡世將自河池遣涇原經畧使田
晟以兵三千人迎敵金人京湖宣撫司忠義統領李
寶敗金人于興仁府境上癸巳知亳州王彥先叛降
于金金人陷永興軍趨鳳翔丁酉命胡世將移陝西
之右護軍還屯蜀口以福建廣東盜起命兩路監司

出境共討已亥命劉光世為三京招撫處置使以援
劉錡庚子以吳璘同節制陝西諸路軍馬聽胡世將
便宜黜陟處置軍事辛丑金人犯鳳翔府之石壁砦
吳璘遣統制姚仲等拒卻之金人圍耀州郭浩遣兵
救之金兵解去壬寅金人圍順昌府三路都統葛王
襲以大軍繼至劉錡力戰敗之六月甲辰朔以韓世
忠太保張俊少師岳飛少保並兼河南北諸路招討
使乙巳劉錡遣將閻充戰敗金人于順昌之李村丙
午命兩浙江東福建諸州團結弓弩手以仇愈為沿
海制置使詔將佐士卒能立奇功者賞以使相節鉞

官告臨軍給受丁未罷建康府行宮營繕戊申以
劉錡為沿海制置使丙酉吳璘遣統制李師顏等
戰敗金人于扶風後之壬子兀朮及宋叛將孔
舟鄴贊趙宗等帥衆十餘萬攻順昌府劉錡率將
士殊死戰大敗之初宗檜奏命錡擇利而守每不
奉詔戰益力遂能以寡勝衆乙卯順昌圍解兀朮
還以今平江府梁政事兼浙西沿海制置使丙辰
岳飛將半阜及金人戰于承平敗之己未劉光世
遣軍知州郭浩遣統制葛王充攻破金人于耀州
吳璘城三反詔諸司錢物量留經費外皆以贖

三歲以父喪去位甲子撤离昌及青
經使王三以兵戰敗之撤离昌遣屯鳳
儀主奉漢三祠表俊遣左護軍都統制王德
劉錡德書順昌道副已解復還廬州遣司
卿李若虛詣岳飛軍以請班師飛不聽內
無論順昌官吏兵民庚午以劉錡為武泰軍節
度使侍衛四軍都虞候世忠遣統制王勝背鬼
將成閔率兵至淮陽軍南與金人遇擊敗之是月
金人圍慶陽府權守臣宋萬年固守金人不能下
岳飛領兵援劉錡與金人戰于秦州敗之復秦州

閏月癸酉朔孤俊遣統制宋超敗金人于永城縣朱
家村甲戌追孟庾路允迪官秩家屬遠郡丙子詔
三衙管軍及觀察使已上各舉智畧勇猛材堪將
帥者二人金人犯涇州守臣曲汲棄城去經畧使
田晟率兵來救金人敗走甲申晟及金人再戰于
涇州敗之金人引歸鳳翔乙酉降陝西雜犯死罪
釋流以下囚丙戌以胡世將為端明殿學士吳玠
為鎮西節度使楊政武當節度使郭浩奉天節度
使王德攻金人于宿州夜破之降其守馬秦丁亥
詔釋順昌府流以下囚再復租稅二年守禦官吏

進官一等己丑永興軍鈴轄傅忠信等與金人戰于
華陰縣敗之壬辰岳飛遣統制張憲擊金將韓常于
潁昌府敗之復潁昌丙申張憲復淮寧府丁酉趙鼎
分司興化軍居住岳飛遣統制郝良等與金人戰于
鄭州北復鄭州李興復汝州與金人戰于河清縣敗
之復伊陽等八縣李成道去韓世忠遣統制王勝三
權攻海州克之執其守王山戊戌張俊率統制宋紹
等及王德兵會于城父縣酈瓊及葛王襄遁去遂復
亳州己亥金人救海州王權等逆戰敗之復懷二縣
庚子張俊棄亳州引軍還壽春再貶趙鼎漳州居住

又敗清遠軍節度副使潮州安置秋七月癸卯岳飛
遣將張應韓清入西京會李興復永安軍丙午以御
史中丞王次翁參知政事己酉岳飛及兀朮戰于鄆
城縣敗之庚戌曲赦海州永興軍統領辛鎮及金人
戰于長安城下敗之癸丑以楊沂中為淮北宣撫副
使劉錡為判官甲寅岳飛遣統制楊再興王蘭等擊
金人于小商橋皆戰死乙卯金人攻潁昌岳飛遣將
王貴統政合兵力戰敗之壬戌飛以累奏詔班師遂
自鄆城還軍皆潰金人追之不及潁昌蔡鄭諸州皆
復為金有甲子以釋奠文宣王為大祀乙丑增收州

縣頭子錢為激賞賞金人圍淮寧府趙秉淵棄城南
歸辛未金人犯盩厔縣王俊逆戰于東洛谷卻之八
月壬申朔以張九成俞樗陳剛中凌景夏樊光遠毛
叔度元盥等七人嘗不主和議皆降黜之乙亥韓世
忠圖淮陽軍不克庚辰金人及鄜瓊合兵駐于千秋
湖陵韓世忠遣統制劉寶等夜襲破之壬午李成犯
西京李興擊卻之楊沂中軍于宿州丙戌以郭浩知
夔州丁亥楊沂中自宿州夜襲柳子鎮軍潰遂自壽
春府渡淮歸金人屠宿州甲午川陝宣撫司統領王
喜等遇金人于汧陽縣敗之九月壬寅朔遣起居舍

人李易謝韓世忠罷立時秦檜專主和議諸大帥皆
還鎮丁未楊政遣統制楊從儀夜襲金人于鳳翔府
敗之戊申金人復入西京李興棄城去庚戌合祀天
地于明堂大赦辛酉臨安火戊辰以郭浩知金州節
制陝西河東軍馬兼措置河東忠義軍是秋知代州
王忠植舉兵復石代等十一州冬十月癸酉復張浚
觀文殿大學士甲戌以王忠植為建寧軍承宣使河
東路經畧安撫使戊寅秦檜上重修紹興在京通用
敕令格式庚辰金人犯慶陽府守臣宋萬年以城降
辛卯金人犯陝州吳玠率兵迎擊敗之庚子金人襲

洮州攻鐵城堡統制孔文清惠達擊敗之是月劉錡
入見胡世將命王忠植救慶陽叛將趙惟清執之降
于金忠植不屈而死十一月丁未金將合喜復犯陝
州吳琦擊卻之又犯寶雞縣統制楊從儀敗之壬子
以令憲為保寧軍節度使是月宣章洞民駱科叛犯
桂陽郴道連賀諸州命發大兵討之十二月壬午上
皇太后冊寶于慈寧殿丁亥贈王忠植奉國軍節度
使謚義節辛卯起諸路耆長役錢諱總制司尋給軍
用是月揚沂中引兵還行在

十一年春正月癸卯鳳翔統制楊從儀敗金人于渭

南庚戌張浚入見乙卯金人犯壽春府守臣孫輔統
制雷仲合兵拒之丁巳壽春陷暉仲棄城去己未劉
錡自太平州率兵二萬援淮西庚申金人渡淮辛酉
兩寇乙丑劉錡至廬州還丙寅九木陷廬州戊辰金
人陷商州守臣邵隆棄城去己巳命楊沂中引兵赴
淮西岳飛進兵江州二月癸酉張浚遣王德渡江也
知州金人退屯昭關邵隆破金人于洪門復南商乙
亥金人復來爭和州張浚敗之命韓世忠以兵援淮
西丙子趣岳飛會兵蘄黃王德等敗金人于含山縣
東己卯統制關師古擊獲敗金人于巢縣復之庚

取岳飛發鄂州三月己卯秦州王德用通秦州制置使奏未王德田等擊破金人復秦州山縣等處關制置台東關擊破金人于青谷甲申金人復花昭關王德等又敗之李顯忠遣統領等擊破金人于晉城縣丁亥揚州中劉錡等大敗兀朮軍于柘皋己丑兀朮親率兵過戰于定步沂中等又敗之棄勝遂北遂至廬州是月庚吉旬盜賊悉平三月庚子朔張俊進營田及高貝度牒錢六十二萬緡勅軍用壬寅韓世忠引兵趨壽春癸卯復張俊特進金人圍濠州岳飛發舒州甲辰張俊揚州中劉錡議班師乙巳沂中錡先

行俊以軍兵留後丙午詔釋淮西雜犯死罪以下囚丁未金人陷濠州執守臣王進克其城給韓部青死之戊申張俊遣楊沂中王德入濠州遇金伏兵救還己酉韓世忠至濠州不利而退辛亥岳飛次定遠縣聞金兵退還屯于兩楊沂中歸行在壬子金人渡淮北歸癸丑張俊與韓世忠會于甲子行營統制張俊及金人遇于沂陽之劉坊信第八將張宏戰敗復四月丙子復收免行營已卯岳飛辛巳以王次公劉燕達同知樞密院事韓世忠張俊岳飛相繼入覲三月己酉世忠復並為樞密院副使

命三省樞密官復行班奉事之示張浚請以所部兵
隸御前罷三宣撫司改統制官為節度使官各屯駐
舊所丙申以廣西經略使陳師道節制廣西諸軍
討監利募洎破勦吳峒之攻會州將官朱真破之五月
辛丑置兩淮江東西湖廣京西三道總領官馬燧權官
仍掌報發御前軍馬之令吳興祖以吳興祖丁未遣
張俊兵飛于楚州巡視邊防召劉光世赴行在甲寅
命樞密行府置司鎮江令編行巡警措置庚申加揚
濟中檢校少保開府儀同三司六月乙亥造剋敵弓
加秦檜特進進尚書左僕射同中書門下平章事兼

樞密使癸未張俊岳飛至楚州俊以海州城不可守
毀之遷其民統韓世忠軍還鎮江惟背嵬一軍赴行
在甲申知河南府李興部兵至鄂州以興為左軍統
制乙丑明州僧王法恩等謀反伏誅壬辰劉光世罷
為萬壽觀使秋七月戊戌秦檜上徽宗實錄進脩撰
以下各一官庚子以翰林學士范同叅知政事以旱
減膳祈禱遣官決滯獄出繫囚丁未加秦檜少保
甲寅罷劉錡兵命知荆南府乙卯詔優獎未與鳳翔
秦隴等州縣官到任半年減磨勘任滿遷一官己未
加張俊太傅癸亥太雨是月命張俊復如鎮江措置

軍務留岳飛行在八月戊辰立祚德廟于臨安祀韓
厥甲戌罷岳飛乙亥命諸王後各推年長一人權主
祀事癸巳胡世將起復九月癸卯命軍器少監鮑瑒
如鄂州根括宣撫司錢穀鄂州前軍副統制王俊告
副都統制張憲謀據襄陽為變張俊收憲屬吏以聞
丁未坐監司不按賊吏罪辛亥吳璘拔秦州州將武
誼降壬子璘率姚仲及金人戰于丁劉圈敗之揚政
克隴州破岐下諸屯郭浩復華州入陝州甲寅建康
大火丙申遣劉光遠等克金國通問使吳璘及金人
戰于剡家澗大敗之遂圍臘家城癸亥璘自臘家城

受詔班師揚政郭浩督引軍還乙丑邵隆復虢州郝
晟討禽駱科斬之冬十月丙寅朔金人陷泗州遂陷
楚州丁卯命樞密都承旨鄭剛中宣諭川陝戊辰揚
政及金人戰于寶雞縣敗之禽通檢字董乙亥兀朮
遣劉光遠等還戍寅詔修玉牒下岳飛張憲大理獄命
御史中丞何鑄大理卿周三畏鞠之壬午遣魏良臣
王公亮為金國稟議使乙酉虛恨戀主歷階詣嘉州
降癸巳韓世忠罷為醴泉觀使封福國公是月金人
陷濠州邵隆復陝州十一月己亥范同罷責降李光
為建寧軍節度副使滕州安置辛丑兀朮遣審議使

蕭毅邢其瞻與魏良臣等偕來丁未范同分司筠州
居住罷判大宗正事士儼同知宗正事士摶申嚴戚
里宗室謁禁已酉雷壬子蕭毅等入見始定議和盟
誓乙卯以何鑄簽書樞密院事克金國報謝進誓表
使庚申命宰執及議誓換文官告祭天地宗廟社稷
辛酉以張浚為檢校少傅崇信軍節度使萬壽觀使
是月與金國和議成立盟書約以淮水中流畫疆割
唐鄧二州界之歲奉銀二十五萬兩絹二十五萬匹
休兵息民各守境土詔川陝宣撫司毋出兵生事招
納叛亡駱科餘黨歐幻四等復叛徃陽監山犯平陽
縣遣江西兵馬都監程師回討平之十二月丁卯責
降徽猷閣待制劉洪道為濠州團練副使柳州安置
癸酉命尚書省置籍勾考諸路滯獄甲戌罷川陝宣
撫司便宜行事乙亥兀朮遣何鑄等如會寧見金主
且趣割陝西餘地遂命周聿莫將鄭剛中分畫京西
唐鄧陝西地界壬午命州縣三歲一置產業部籍民
貲財田宅以定賦役禁受賂虧隱舊額丁亥立譏察
海船條法癸巳賜岳飛死于大理寺斬其子雲及張
憲于市家屬徙廣南官屬于鵬等論罪有差

就第朝奠皇辛亥以上儀嘗營護岳飛為朋比責違
州居佳丙辰胡世將卒夏四月甲子朔遣孟忠厚為
迎護梓宮禮 遣使王次翁為奉迎兩宮禮儀使丁卯
皇太后偕梓宮發五國城金遣完顏宗賢劉禔護送
宮高居安護送皇太后庚午賜禮部進士陳誠之
以下二百五十四人及第出身戊寅封常淵平樂郡
王辛巳皇后邢氏崩訃初至甲申增修臨安府學為
太學五月甲午以鄭剛中為川陝宣撫副使乙未遣
審昭遠等賀金主生辰置淮西京西陝西諸路權場
丙午增築慈寧殿停給度僧牒乙卯復試教官法六

月甲子命侍從宴諱禮官始議權主積官戊辰以方
侯高為積官按行使辛未責降王庶為暫德軍節度
副使道州安置壬午金國歸孟夏未丁丑民甲申以吳
璘為檢校少師階成岷鳳四州經略使秋七月壬辰
朔福州蔡判胡銓除名新州綸管丁酉上皇后諡曰
懿節裕神主于別廟己亥以向鑾 擢參知政事己
酉始製常行儀仗及造玉輅乙卯薨居南湖北沿邊
州軍免行錢八月辛酉朔元木使來京商州及和尚
方山二京丙寅何鑄罷甲戌以方侯高參知政事充
金國報謝使壬午皇太后入居慈寧宮己丑帝易

總服奉迎徽宗及顯肅懿節二后梓宮至奉安于龍
德別宮是月鄭剛中分言陝西地界割商秦之半界
金國存上津豐陽天水三縣及隴西成紀鎡地界和
尚方山二原以大散關為界九月乙未以孟忠厚為
樞密使充樞密院總護使壬寅大赦乙巳加秦檜太師
封魏國公丙午金使劉善元預宗表等九人入見戊
申以王汝弼等充金國報謝使藏金國誓書于內侍
省辛亥加張中孚開府儀同三司中書平海軍節度
使甲寅殺殺偽福國長公主李善善許以金州郭浩為
金三考開達四州經畧安撫使於遣揚意使金賀正日

冬十月乙丑始聽中外用樂丙寅權樞密徽宗皇帝及
顯廟皇后于會稽永固陵懿節皇后附乙亥以翰林
學士陳克俊簽書樞密院事權參知政事丁丑以皇
太后回鑾推恩進封秦檜為秦越兩國公辭不拜庚
辰以何鑄黨援岳飛不主和議責授秘書少監徽州
居住甲申皇太后生辰上壽于慈寧宮丁亥置福建
路提舉茶司事十一月癸巳樞密使張浚罷進封清
河郡王以左司郎中李椿年為兩淮轉運副使專治
經界乙未加楊存中少保己亥禁賤請入私至行在
庚子作崇政垂拱二殿辛丑劉光世薨壬寅曾祖妣

秦魯國大長公主薨丙午尹焯卒庚戌孟忠厚亞臆左
承事郎張戒坐黨趙鼎岳飛停官辛亥遣張中丞中
彥還金國十二月甲子詔侍從監察御史已上監司郡
守各舉所知宗室丙寅幸秦魯國大長公主第臨奠
又幸劉光世第臨奠庚午命太學弟子貢以三百人
為額壬申秦檜上六曹寺監通用敕令格式癸酉以
李顯忠為保信軍節度使御前選鋒軍統制王進為
御前諸軍統制是歲斷大辟二十四人

十三年春正月戊戌加上徽宗謚曰體神合道駿烈
遜功聖文仁德憲慈顯孝皇帝己亥親饗太廟奉上

冊寶癸卯增建國子監太學己巳復兼試進士經義
詩賦二月壬戌初御前殿特旨四參官起居甲子製
郊廟社稷祭器乙丑更永固陵曰永祐丙寅封韓世
忠咸安郡王乙亥蠲雷化等十州免行錢丙子造金
象革木四輅庚辰立太學及科舉試法辛巳秘書少
監秦熺修建矣以來日曆成乙酉建景靈宮蓋安界
朝神御三月己亥造鹵簿儀仗乙巳建社稷壇丙午
築園立旅淮南錢氏仍禁過籍夏四月癸亥頒鄉飲
酒儀于郡國甲戌毀獄吏訊囚非法之具閏月己丑
立貴妃吳氏為皇后戊申命史館編靖康建炎忠義

錄庚戌楊政八見加檢校少保賜田五十頃壬子蜀
諸路無名月椿錢乙卯王次翁罷五月甲子張九成
坐黨道兼南安軍居住壬申置國子博士正錄乙亥
命諸路置放生池丁丑天申節始上壽賜宴如故事
六月壬戌禁三衙及諸軍市易月增將官供給錢有
差壬寅程克俊罷以万俟卨兼權簽書樞密院事戊
申詔諸路提刑歲舉部內廉明平恕獄官庚戌金遣
洪皓張邵朱弁來歸秋七月甲子詔求遺書罷捕賊
補官格丙寅處州兵士楊興等謀作亂事覺伏誅戊
辰置諸州鉅作務壬申雨雹蠲浙西貧民逋負丁鹽

錢八月丙戌遣吏部侍郎江邈奉迎累朝神御于溫
州丁亥命諸路有出身監司一員提舉學事戊戌洪
結至自金國入見己亥遣鄭朴等使金賀正旦王師
心等賀金主生辰鄭剛中獻黃金萬兩辛丑廢昌化
萬安吉陽軍知階州田晟將所部三千人赴行在丁
未以晟主管侍衛馬軍司公事其衆謀為己酉加錢
恂太尉庚戌詔監司守臣講求恤民事宜九月丁巳
宗室子溥卒于秀州甲子洪皓出知饒州戊辰命諸
路置敦宗院己巳詔准東京西監司歲終上州縣所
增戶口為守令殿最庚午以兵部侍郎司馬朴死辟

贈兵部尚書賜其家銀絹癸酉詔諸州守貳提舉學
事縣令佐主管學事戊寅蠲淮南逋欠坊場錢及上
供帛冬十月己丑秦樞上監學敕令格式庚寅製渾
天儀乙未奉安累朝帝右神御于景靈宮十一月庚申
日南至合祀天地于園丘太祖太宗並配太赦十二月
癸未朔日食雲陰不見幸卯毀私鑄毛錢癸巳建秘書
省丁酉增太學弟子員二百己亥郭浩入見丁未命
行在宗子入宮學己酉金遣完顏暉等來賀明年正旦是
月始頒來歲曆于諸路監司守臣是歲關外初行營甲
十四年春正月丁巳遣維汝楫等報謝金國甲子臨

安府火戊寅命普安郡王為子備解官持服二月丁
亥復置清州新民學癸巳蠲江浙諸路逋欠錢帛戊
戌初命四川都轉運司歲撥總制司錢百七十三萬
緡市紬絹綿輸于鄂州總領所丙午罷万俟卨定宗學
生額為百員己酉以資政殿學士樓炤簽書樞密院事
兼權參知政事加郭浩檢校少保二月乙卯蠲江浙
京湖積欠上供錢米丁卯避金太祖嫌名改岷州為
西和州川陝宣撫司為四川宣撫司己巳幸太學蠲
汀漳泉建四州經賊殘蹂民戶賦役一年壬申解潛
坐黨趙鼎責授濠州團練副使南安軍安置己卯詔

舉賢良夏四月甲申詔刑部及監司決絕滯訟丁亥
初禁野史虔州民祈其屋朽柱中有文曰天下太平
年甲午金人來求淮北人之在南者詔願者聽還遣
馬軍司統領張守忠討海賊朱明五月丙辰詔階成
西和鳳四州募兵赴行在甲子擢焯罷乙丑以御史
中丞李文會簽書樞密院事兼權參知政事丙寅婺
州大水己巳金姑遣烏延和等來賀天申節辛未楚
州鹽城縣海水清是月嚴信衢建四州水六月甲申
蜀江浙州縣酒稅坊場綱運倉庫積年逋負孫近再
奪三官移南安軍居住丁亥加高世則少保戊子安

南國入貢癸巳宣州淫木妖賊俞一作亂守臣捕滅
之乙未振江浙福建被水之民丙申內侍白鄂坐誹
謗及其客張伯綸俱黥配吉陽軍特贈子傑太子少
師官給葬事庚子奪万俟卨三官歸州居住乙巳置
國子監小學秋七月戊午金人殺王倫于河間府丙
寅立明法科兼經法丙子幸秘書省八月癸未撫州
獻瑞禾庚寅以朱椿年權戶部侍郎仍治蓋界乙未
遣林保使金賀正旦宋之才賀金主生辰九月辛酉
分利州爲東西路以吳璘爲利州西路安撫使揚政
利州東路安撫使甲子命郡守終更入見各舉所部

縣令一人壬申趙鼎移古陽... 索蔡京子孫遠... 從方正言何... 之學乙未加... 及茶陵縣民... 月田子復內... 增各八安置... 轉運判官宋... 養老疾貧乏... 李支會罷尋... 均州居住庚... 子以御史中... 丞湯愿簽

禮憲院事兼權參知政事癸卯金道字散温等來

賀明年正旦是月汀賊並于齊寇漳州及泰縣安撫司

遣兵捕之為所敗心佐趙成等死之是歲四川宣撫

司始取民戶補提錢歲四十萬緡以備軍費

十五年春正月丁未朔知大慶殿初行大朝會禮戊

申廬南安撫使馮楫獻嘉禾己未分經義詩賦為兩

科取士辛酉初置籍田丁卯成成都府路對糴米三

之一宣撫司徵賞錢三十萬緡戊辰命戶部侍郎王

鉄措置兩浙經界辛未初命僧道納免丁錢二月戊

寅增六學弟子員百人乙未詔州縣科折之數第三

等毋或為既已亥封崇國公璩為恩平郡王出就第
三月甲子遣敷文閣待制周禮馬官國史丞諸將程
師回馬欽白常皆還金國夏四月丙子朔賜秦摺等
一區戊寅彗星出東方癸未避殿減膳命監司郡守
條上便民事宜提刑巡行決獄賜禮部進士劉章以
下三百人及第出身丁亥以彗出大赦癸巳彗沒甲
午遣後軍統制張淵討捕福建盜賊庚子罷四川都
轉運司五月丙辰客星見戊午命貧民產子賜義倉
米一斛甲子金遣完顏宗弼等來賀天申節六月乙
亥朔日有食之丁丑辛秦擄第乙酉加檜妻婦子孫

寫封丁亥彗星沒秋七月戊申復置利州鑄錢監戊
午命監司審察縣令治狀顯著之老懦不職者上其
名以為黜陟蠲廬光二州上供錢米一年丁卯免汀
漳二州秋稅及處州三縣被水民家紬絹鄂州舊額
絹各一年巳巳蠲四川轉運司積實常平錢十三萬
緡八月甲戌朔禁收折帛令俟錢止輸實數乙亥蠲
京西路請佃田租及州縣場務稅錢二年巳亥改諸
路提舉茶鹽官為提舉常平茶鹽公事川廣以憲臣
兼領辛丑復增太學弟子員二百九月辛酉遣錢周
林使金賀正旦嚴拊實金主生辰冬十月乙亥常書

一德格天之閣賜秦檜為就第賜宴丙子楊思罷矣
未以樞密都承旨李若谷為參書樞密院事兼權參知
政事武岡軍器人楊再興降庚寅以翰林學士承旨
秦熿為資政殿學士提舉高壽觀兼侍讀恩數視執
政辛卯夜雷癸巳蜀安撫軍上供錢米二年甲午以
汪勃言折彥質黨趙鼎柳州安置庚子置四川宣撫
司總領錢糧官辛丑命秦熿班參書樞密之下十一
月甲辰加錢煥少保錢愾四府儀同三司丙辰郭浩
立丙寅全給秦檜歲賜公使錢萬緡閏月已加罷明
法新科十一月戊午置江陰軍市舶務甲子命右司

員外郎李朝正同措置經界丁卯金遣蒲察說等來
賀明年正旦

十六年春正月戊子增太學外舍生額至千人壬辰
親饗先農于東郊行籍田禮執耒耜九推詔告郡縣
二月辛丑割金州豐陽縣洋州乾祐縣界金人壬寅
毀諸路淫祠癸丑建秦檜家廟三月庚午興建武學
置弟子員百人辛卯造秦檜家廟祭祀乙未增建太
廟己亥立淮東江東兩浙湖北州縣學校丙寅置
格夏四月壬子禁州縣預借民稅及和買錢丙午定
選試武士弓馬去留格五月壬申濟運河命諸路諸

臣兼提舉學士事癸未初作大廟祔室丙戌作景鐘丁亥金遣烏古論海等來賀天申節六月安南獻馴象十秋七月壬申以張浚上疏論時事落節鉞連州居住壬辰立秘書省獻書骨格丙申復何鑄為端明殿學士兼侍讀八月辛丑築高棋壇壬子遣邊知白使金賀正旦周執羔賀金主生辰九月甲戌命何鑄等為金國祈請使請國族甲午骨統制張淵韓京等討捕福建廣東諸盜功各進官有差冬十月戊戌帝觀新作禮器于射殿撞景鐘奏新樂十一月丙子合祀天地于園丘大赦庚辰罷州縣新創稅場癸未復置

御書院己丑加潘正夫少保十二月戊戌三月丙申方乙巳城辛酉金遣盧壽倫等來賀明年正月十七年春正月己巳命諸路收試中原流寓士人已卯禁監司郡守進羨餘辛卯以舉人多自貢命州縣每三歲行鄉飲酒禮以貢士壬辰以李若谷參知政事御史中丞何若愚書樞密院事癸巳進香爐為資政殿大學士二月乙巳親祠高禩辛酉李若谷罷三月乙亥何若愚罷己卯以翰林學士段拂參知政事乙酉改封秦檜為益國公戊子改命張俊為靜江寧武靖海軍節度使常世忠鎮南武安寧國軍節度使洛

李若谷資政殿學士江州居任夏四月丙申蜀諸路
免行錢三之一己亥以御史中丞汪勳為言樞密院
事已未詔趙鼎過赦永不檢舉以前康所潮州錄事
參軍石恮待遇鼎厚除名潭州編管五月甲子詔舉
賢良乙丑雨雹己巳洪皓言潭州團練副使黃州安
置卒已金遣完顏下等來賀天會第六月乙卯蔡紹
安盜賊戊午改命晉安郡王璩為常德軍節度使
恩平郡王璩武康軍節度使秋七月庚辰召鄭剛中
赴行在辛巳太白晝見以徽猷閣待制知成都府李
璩權四川宣撫使癸未命李璩同總領四川財賦符

行中參酌減放四川重斂戊子以王璩充御前諸軍都
統制兼知興州八月庚子罷建州勦置買鹽坊癸卯
趙鼎薨于吉陽軍戊申遣沈該使金賀正旦答大方
賀金主生辰丁巳以諸路羨餘錢充月椿之數加邢
孝揚太尉九月己巳減四川科率虛額錢歲二百八
十五萬緡癸酉詔以四川宣撫司降賜庫米一百萬
石均減對糴乙亥蠲江南東西道諸州月椿錢丙子
鄭剛中罷丙戌減江浙諸州折帛錢冬十月辛卯朔
日有食之癸卯建太一宮丁未命太常歲以春秋二
仲薦薦慶宮季秋遣御史按視己酉進揚存中為少

傳已未臨安府甘露降十一月丙寅秦檜上重修免
役敕令格式丁卯復賜進士聞喜宴十二月辛卯朔
禁諸州擅釋放流配命官及事干邊防切要之人甲
寅鄭剛中落職桂陽監居住丙辰金遣完顏宗藩等
來賀明年正旦

十八年春正月己巳幸天竺寺遂幸玉津園二月乙未
段拂罷尋落職興國軍居住以汪勃兼權參知政事
辛亥聽趙鼎歸葬三月丁丑命揚政吳玠招關陝流
民補殿前軍戊寅罷汀州諸縣上供銀蠲茶鉛本錢
之半庚辰幸新太一宮壬午以秦熈知樞密院事乙

酉禁民私渡淮及招納叛亡夏四月戊子朔日有食
之庚子秦熈乞避父子共政以爲觀文殿學士提舉
萬壽觀兼侍讀提舉秘書省壬寅命熈恩禮視宰臣
班次亞右僕射甲辰賜禮部進士王佐以下三百三
十人及第出身丙辰加士會開府儀同三司五月戊
辰加吳益太尉乙亥熈損奉使賞給丙子金遣蕭秉
溫等來賀天申節癸未以李顯忠私取故妻于金降
爲平海軍承宣使台州居住甲申罷四川宣撫司以
李璆爲四川安撫制置使是月徽州慶雲見六月甲
辰築九宮貴神壇于東郊戊申士民曹溥等上尊號

不許是月遣太府寺丞宋仲堪詣江州置獄鞠鄭剛
中欺隱官錢福州候官縣有竹實如米飢民採食之
是夏浙東西淮南江東旱八月丙申汪勃罷丁酉以
工部尚書詹大方簽書樞密院事兼權參知政事禁
州縣士民飾詞舉留官吏閏月庚申免江浙湖南今
歲和糴甲子命臨安平江二府淮東西湖北三總領
所歲糴米百二十萬石以廣儲蓄壬申遣王墨卿使
金賀正旦陳誠之賀金主生辰甲申辛道宗降官房
州羈管乙酉禁奉使三節人出境博易福建諸州賊
平以所剽招奇兵為殿前司左翼軍九月丙午產天

方薨冬十月丙辰以御史中丞余堯弼簽書樞密院
事兼權參知政事十一月乙酉朔升感生帝為上祀
己亥胡銓移吉陽軍編管壬寅鄭剛中責濠州團練
副使後州安置戊申禁四川買馬官吏松市蠻馬辛
亥振紹興府饑十二月乙卯朔振明越秀澗徽婺饒
信諸州流民丙寅借給被災農民春耕費丁卯命利
路三都統措置營田以其租充減免對糴之數戊辰
蠲被災下戶積欠租稅庚辰金遣召守忠等來賀明
年正旦

十九年春正月甲申朔以皇太后年七十帝詣慈寧

殿行慶壽禮甲午罷國信所回易北貨癸卯幸天竺
寺遂幸玉津園二月丁丑禁湖北溪洞用人祭鬼及
造蠱毒犯者保甲同坐三月癸未朔日有食之甲辰
鄭剛中移封州安置于夏嗣等亦除名編管夏四月
丁巳立孳生牧馬監賞罰格丙寅秘閣修撰張昞上
秦檜在金國代徽宗與粘罕書藁詔付史館以郃爲
徽猷閣待制戊寅湖廣江西路建康府並甘露降五
月壬午朔汀漳泉三州民田被賊蹂踐蠲其二稅戊
戌賞平福建群盜功以選鋒軍統制劉寶爲武泰軍
承宣使餘將士遷秩有差與于金遣唐括德溫等來

賀天申節丁未減連英循惠新恩六州免行錢六月
丁巳茶陵縣丞王庭珪作詩送胡銓坐謫訕停官辰
州編管戊午秦檜上吏部續降七司通用法秋七月
壬寅頒諸農書于郡邑八月辛未刺浙東諸州強盜
當配者克沿海諸軍九月戊申命繪秦檜像仍作贊
賜之冬十月己未湖南副總管辛永宗停官肇慶府
編管十一月壬辰合祀天地于圜丘大赦辛丑李椿
年以經界不均罷丁未立州縣墾田增虧賞罰格是
月命復蜡祭十二月丁巳金歧王亮弒其主亶自立
己未詔無子女戶得解舉人太學生之獨居者並免

役已巳命四川制置司歲募扈衛三百人赴行在丁
丑金遣完顏克等來賀明年正旦

二十年春正月丁亥秦檜入朝殿前司軍士施全道
刺之不中壬辰磔全于市癸卯趣諸路轉運司及守
臣畢經界事丙午兩浙轉運副使曹泳言李孟堅誦
其父光所撰私史語涉譏謗詔送大理寺二月戊申
朔立守貳令射營田增虧賞罰格庚戌禁民春月捕
鳥獸蠲靜江府昭州上供折布錢三之一壬子罷經
界所覆實官吏庚申免海外四州及瀘叙二州長寧
軍經界三月庚辰金遣完顏思恭等來報即位癸未

以余堯弼參知政事給事中巫伋簽書樞密院事丙
戌遣堯弼等賀金主即位戊子以秦熈為觀文殿大
學士萬壽觀使丙申李孟堅獄具詔李光遇赦永不
檢舉孟堅除名峽州編管胡宙程瑀潘良貴張壽等
八人緣坐黜降有差戊戌詔改正經界法之厲民者
庚子以巫伋兼權參知政事壬寅胡宙言泉州團練
副使新州安置夏四月壬子以沒入官田悉歸常平
司禁募民佃種癸酉置力田科募江浙福建民耕兩
淮閒田是月信州妖賊黃曾等作亂陷貴溪縣江西
兵馬鈐轄李橫等討平之五月庚辰申禁諸軍差承

接文字使臣伺察朝政癸未秦檜上中興聖統甲午
金就遣完顏思恭等來賀天申節六月癸亥加秦熿
少保詔大理寺鞠前太常主簿吳元美譏謗獄丙寅
禁民結集經社是月建州民張六一作亂秋七月丙
子罷招刺禁軍庚寅罷泉漳汀三州經界八月甲辰
朔量移張浚永州孫近虔州万俟卨沅州李若谷饒
州李文會江州段拂南康軍並居住雷州守臣王趨
坐交通趙鼎李光停官戊申改建大理寺辛酉遣陳
誠之使金賀正旦王曦賀金主生辰九月甲申以吳
元美譏毀大臣除名容州編管丙申侍御史曹筠以

附下閏上罷冬十月戊辰右迪功郎安誠坐文字謗
訛送惠州編管秦檜有疾庚午命執政赴檜第議事
十一月甲子檜始朝命肩輿入宮門二孫扶掖升殿
不拜己巳金遣蕭頤等來賀明年正旦

二十一年春正月癸未以兩淮民復業未久寬其租
賦庚子蠲平江府折帛錢三年二月甲寅夜雨雹乙
卯詔諸州置惠民局官給醫書士戍遣巫伋等為金
國祈請使請歸淵聖皇帝及皇族增加帝號等事癸
亥以余克弼兼簽書樞密院事三月丁丑雨雹丁亥
蠲江浙荆湖等路中戶以下積年逋負夏閏四月己

郭禁三衙接尅諸軍丁亥賜禮部進士趙遠以下四百
四人及第出身五月辛亥罷利州路選刺義士戊午
金遣劉長言等來賀天申節以吳璘楊政田師中並
為太尉六月甲戌括淮南佃田所隱頃畝以里租稅
辛巳命歲給大理寺三衙及州縣錢和藥劑療病囚
秋七月壬寅以集英殿修撰知衢州曹筠為四川安
撫制置使辛亥罷柴米稅癸亥詔州縣官嘗被科率
害民重罪者不得任守令親民官八月辛未奉檄上
重修諸路茶鹽法壬申龔世忠薨詔進太師致仕癸
酉追封通義郡王禁郡守特斷乙亥加岳陽軍節度

使士樽開府儀同三司克萬壽觀使甲申遣陳夔使
自虜山旦陳相賀金主生神九月戊戌朔籍寺觀絕
產以贍學乙巳均科處州丁鹽錢丁巳增築景靈宮
是月巫伋使還所請皆不許冬十月甲戌幸張俊第
壬午進俊為太師升從子子羔為安德軍節度使甲
申夜有赤氣十一月庚戌余克弼罷乙卯命提舉常
平官修復陂湖丁巳進義副尉劉允中坐指斥謗訕
棄市十二月壬申雷癸巳金遣兀朮魯定方等來賀
明年正旦

二十二年春正月丁未加常淵太保三月丁酉以王

疾二子之奇之苟謗毀朝政並除名之奇梅州之苟
容州編管甲辰以直龍圖閣葉三省監都作院王遠
通書趙鼎王庶力詆和議言涉謗訕三省落職筠州
居住遠除名高州編管丁巳遣司農丞鍾世明詣福
建路籍寺觀絕產田宅入官其後歲入錢三十四萬
緡夏四月丙子巫伋罷辛巳以御史中丞章良簽書
樞密院事兼權參知政事五月癸丑金遣田秀穎等
來賀天中節是月襄陽大水容州野蠶成繭秋七月
甲午朔加封程嬰公孫杵臼韓厥爲公升中祀丁巳
虔州軍卒齊述殺殿前司統制吳進江西同統領馬

晟據州叛八月己卯遣鄂州都統制田師中發兵同
江西安撫使張澄發前司遊奕軍統制李耕討述九
月乙未又遣左翼軍統制陳敏相繼討之癸丑章復
罷冬十月甲戌以御史中丞宋樸簽書樞密院事兼
權參知政事就命李耕知虔州庚辰以黃岩縣令楊
煇誹謗除名萬安軍編管知台州蕭振落職池州居
住十一月戊申合祀天地于園丘大赦丁巳立薦舉
受財刑名李耕入虔州盡誅叛兵虔州平十二月辛
酉朔減夔州路及瀟江清井兩監鹽錢歲八萬二千
緡有奇戊子金遣張利用等來賀明年正旦

本紀卷第三十

本紀卷第三十一

宋史三十一

開禧三司在國鑿國事前書丞相韓修國史炳隆等奉勅修

高宗八

二十三年春正月癸卯進韋淵太傅己酉復以李顯忠為寧國軍節度使二月癸亥幸玉津園遂幸延祥觀庚午饗慶州軍賊黃明等八人于都市辛未改慶州為贛州壬申申嚴冒請舉法癸未賞平贛盜功以李耕為金州觀察使將士進秩給賞有差三月丙午齊安郡王士儂薨于棗州追封循王詔凡民認復

軍莊營田者償開耕錢丁未禁州縣都監巡尉擅置
刑獄戊申以前太府丞范彥輝謗訕除名荆門軍編
管是春金主亮徙都燕京夏四月辛巳詔諸州編管
羈管人遵舊法長吏凡一驗視不許囚禁乙酉減利
州歲鑄錢為九萬緡五月庚寅禁州縣以私意籍罪
人貲產乙巳復以蕭振為四川制置使辛亥金遣紇
石烈大雅等來賀天申節乙卯立淮南諸州舉人解
額六月己卯潼川大水秋七月壬辰寬理平江府湖
秀二州被水民夏稅戊戌從秦檜所請命合州取基
崇濃草檜罷相制所受墨勅庚戌禁諸軍瀕太湖擅

作壩田八月乙丑土搏薨追封詔至丙寅左宣教郎
王孝廉謀據成都叛事覺伏誅己卯賜秦檜建康府
永豐圩田乙酉命勅令所編輯中興以終寬恤詔令
九月甲午振潼川被水州縣仍蠲其賦庚子禁採鹿
胎冬十月丁巳詔郡守年七十者聽自陳命主官觀
戊午遣吳興使金質正旦為錫賀金主生辰戊辰宋
撲罷壬申以右諫議大夫史才為書樞密院事兼權
參知政事丁丑遣戶部郎官鍾世明脩築宣州太平
州圩田是月命大理勦妖人孫士道獄十一月壬寅
詔立張叔夜廟于信州甲辰珙太宗正司條令乙丑

以經筵終快賜宰執講讀等官宣字號書省為故事
十二月丁巳詔州縣稅額少者罷其監官癸亥章淵
慶癸未禁民車服踰制閏月丙申命檢正都司官詳
定郡守所上利病以聞辛丑命諸軍保任統制官在
職十年無過者進秩庚戌金造蔡松年等立賀明年
正旦是歲減池州青陽縣田租萬七千石

二十四年春正月辛未幸延祥觀癸酉初詔郡國同
以八月十五日試舉人丙子封婉容劉氏為貴妃戊
寅地震二月丁亥前左從政郎楊炬坐其第煜堂上
書誅謗送置州編管丙午加吳益太尉三月壬申揚

再興復寇邊前軍統制李道討平之會再興及其子
正脩正拱橙送行在乙亥賜禮部進士張孝祥以下
三百五十六人及第出身庚辰秦檜以私憾挾知
建康府王楮友詔大理鞠之是春始權復州路秦夏
四月丙戌詔諸路招補三符諸軍期三年課其殿最
辛丑西南小張藩貢方物己酉羅殿國貢名馬五月
癸丑朔日有食之衢州民俞八作亂圍州城通判州
事汪召錫拒卻之遂掠嚴州壽昌縣遣殿前司正將
辛立討平之辛未金遷耶律安禮等來賀天申第六
月癸巳史才罷甲午以御史中丞魏師懿簽書樞密

院事兼權參知政事辛丑王循又復死藤州安置其
如詔嘗命四川州縣減免財物以寬民力尚慮未周
令制置司總領所同共措置務在不妨軍食可以裕
民尋遣鍾世明如四川同議以主管侍衛馬軍司成
閔為慶遠軍節度使秋七月癸丑張俊薨勅傳人王
雄坐交通李光下大理獄乙卯警徭人揚正脩正拱
于市己未復置黎雅二州停易場三所壬戌詔增四
川茶馬司羨餘錢給軍費以寬民力甲子復落蕭振
職池州居住乙丑以總領財賦符行中為四川制置
使乙亥南丹州酋公晟及宜州界外諸蠻納土內附

戊寅幸張俊第臨奠八月壬辰禁百官避克輪對甲
午罷溫州市黃楫福州貢荔枝丙午追封張俊為伯
王以湘潭縣丞鄭杞主簿賈子展朝毀朝政除名祀
容州子長德慶府編管九月辛亥朔李道如納州指
置盜賊丁巳賞平徭賊功升辛立領忠州團練度將
士遷職給錢有差冬十月壬午蠲旱傷州縣租賦戊
子遣沈虛中使金賀正旦張士襄賀金主生辰十一
月乙丑魏師遜罷丁卯以權吏部侍郎旋銜參知政
事鄭仲熊簽書樞密院事以辰進奏煇少傳封嘉國
公是月以通判武岡軍方疇通書胡夔及他罪除名

永州編管十二月丙戌以故龍圖閣學士程鵠有論
語譏解秦檜疑其讖已知饒州洪興祖嘗為享京西
轉運副使魏安行鑄版至是命毀之與祖昭州安行
欽州編管瑀子孫亦論罪丁亥三趨除名辰州編管
丁酉知鄞縣程緯為其丞三肇所告慢上無人臣禮
除名貴州編管籍其貲壬寅剽諸路編管人充宿軍
乙巳金遣白彥恭等來賀明年正月旦

二十五年春正月辛未賞討楊再興功保寧軍承宣
使李道落階官加龍神衛四廂都指揮使將士進官
賜錢有差二月乙酉以鎮江都統劉寶為安慶軍

節度使建康都統制王權為清遠軍節度使壬寅以
通判常州沈長卿仁和縣尉芮煒作詩譏訕除名長
卿化州煒武岡軍編管三月巳酉右司郎中張士襄
自金國使還坐奉使不肅罷官壬申地震夏四月乙
酉施鉅罷以鄭仲熊兼權參知政事戊子命四川制
置司許就類省試院校試刑法巳亥減廣西路折米
錢五月丁未朔日有食之太廟仁宗室柱生芝九莖
戊申罷諸路免行錢歲百八萬緡癸丑以前知泉州
宗室令衿譏訕秦檜遜坐交結罪人汀州居住乙丑
金遣李通等來賀天申節壬申賜劉錡湖南田百頃

六月庚辰鄭仲熊罷辛巳以禮部侍郎湯思退簽書
樞密院事兼權參知政事癸卯以言者追讚岳飛改
岳州為純州岳陽軍為華容軍是月安南入貢秋七
月丙辰減四川絹估稅斛鹽酒等錢歲百六十餘萬
緡蜀州縣積欠二百九十餘萬緡詔四川營田有占
民田者常平司按驗給還甲戌封李天作為南平王
八月丁丑申嚴誣告加等法辛巳命大理鞠趙汾及
令衿交通獄丙戌以吏部侍郎董德元參知政事蜀
請路身丁免丁錢一年壬辰建執政府九月丁巳秦
帝上紹興寬恤詔今冬十月庚辰復置鴻臚寺壬午

遣王岷使金賀正旦鄭柎賀金主生辰乙酉命大理
鞠張析附麗胡寅獄乙未幸秦檜第問疾夜檜諷右
司負外郎林一飛臺諫徐嘉張扶等請拜熺為相丙
申進封檜建康郡王熺為少師並致仕命湯思退兼
權參知政事是夕檜薨丁酉檜姻黨戶部侍郎兼知
臨安府曹泳停官新州安置朱敦儒薛仲邑王彥傳
杜思旦皆罷命有司具上執政待從官居外任及主
宮觀與在謫籍者職位姓名辛丑徙殿中侍御史徐
嘉右政言張扶皆出為他官十一月乙巳朔追封檜
申王謚忠獻賜神道碑額為決策元功精忠全德戊

申奪趙汾二官壬子以敷文閣直學士魏良臣參知政事癸亥合祀天地于園丘大赦甲子辛秦檜第臨奠乙丑復洪皓官釋張杓獄丁卯罷大理寺官旬白庚午詔監司郡守事無巨細皆須奏聞裁決毋得止上尚書省臣僚薦舉人才必三人以上同薦封叔和州防禦使右監門衛大將軍士儻為崇慶軍節度使嗣漢王福建路提刑令詎為利州觀察使安定郡王辛未知建康府正會及列郡守臣王昉王鑄鄭僑辛鄭震方滋俱以諂附貪冒罷真臘羅斛國貢馴象十二月甲戌朔詔曰臺諫風憲之地比用非其人黨於

大臣濟其喜怒殊非耳目之寄朕今親除公正之士以革前弊繼此者宜盡心乃職毋合黨締交敗亂成法當謹茲戒毋自貽咎詔張浚折去質万俟卨駁拂聽自便量移光祿州安置乙亥復以尚為資政殿學士提舉萬壽觀兼侍讀戊寅鄭億年責建武軍節度副使南安軍安置壬午詔監司守臣禁羨餘罷權攝載苞首第宴飲詔前後告訐者莫汲汪召錫陸升之等九人除名廣南諸州編管甲申召孟處厚李綱請命胡寅張九成等二十八人並令自便仍復其官乙酉召處厚元惡丙戌以劉錡知潭州辛卯命三省六

部條具續降勅旨來上審詳施行甲午以敷文閣待
制沈該參知政事乙未以工會侍權貪橫傳官循州
編管丙申復以蕭振為四川制置使復張浚折彥質
趙汾葉三省王超劉本官移胡銓衡州丁酉葉國鼎
川廣貢真珠文犀戒州縣加收耗糧己亥金定耶律
歸一等來賀明年正旦

二十六年春正月壬子省諸州稅場以寬商賈甲子
追復趙鼎孫近郵剛中汪藻舊職乙丑詔選擇監司
須七品以上清均官或經朝懼及治亂者請者丙寅
曹泳吉陽軍編管封伯令於明州觀察使安定郡王

以其從男入諫議也戊辰除民事律綱諸路積負及

黃河竹索錢二月乙亥命四川州縣凡預借民賦稅
分限理析已卯定諸州流寓士人解額庚辰罷進奏
院定本朝報乙酉進士林東追諡秦檜上書狂妄兵
州檉管右朝奉郎林一飛坐指使林東責監高州鹽
稅天寶三備流國入貢辛卯魏良臣罷庚子以左朝
崇大元三職為秦檜親黨直徽猷閣己卯中貪虐附
檜職建昌軍居住忽辛責果州團練副使封州安置
三月甲寅以邊事已定罷宰相兼領樞密使丁巳詔
兩淮邊民未復業者復其租十年己未以萬俟卨參

知政事吳文加吳璘開府儀同三司乙丑以東平府
進士梁勛伏闕上書言此事送千里外州軍編管丙
寅詔曰講和之策斷自朕志秦檜但能資朕而已豈
以其存亡而渝定議耶近者無知之輩鼓倡浮言以
惑衆聽至有爲撰詔命召用崔日德抗章公車妄議邊
事朕甚駭之自今有此當重賞典憲丁卯蠲園菜諸
州歲供軍器所物料三之一減工匠五千八百已
募四川民佃淮南京西閒田並遣使租稅十年以邊
五年夏四月戊子增溫台等十六州解額命湖北路
以增田爲守令殿最庚寅遣陳誠之等賞金主

尊號禮成癸巳置武學官及弟子員百人甲午禁州
郡進祥瑞戊戌立六科以舉士加韋謙太尉詔大辟
情犯無可矜憫者禁刑寺妄引例奏裁貸減罷鄉飲
酒舉士法詔准南京西占射官田踰二年未盡墾者
募人更佃五月壬寅以沈該爲尚書左僕射万俟卨
爲右僕射並同中書門下平章事湯思退知樞密院
事丁未詔州軍教授毋兼他職丙辰蠲楚州盱眙軍
民租十年己未金遣敬嗣暉等來賀天申節六月辛
未朔罷諸路鬻戶絕田丁丑以端明殿學士程克俊
參知政事戊寅復權要親族中第覆試法乙酉詔取

士母拘程頤王安石一家之說丁亥流星書墮辛卯
以秦檜既死命史館重脩日曆秋七月辛丑詔三衙
主帥舉武臣堪知州者壬寅蠲諸路丁絹一年爲二
十四萬匹丙午右奉議郎薛仲邕連州編管丁未彗
出井避殿減膳辛亥詔諸州守貳考各縣丁籍依年
格收除民間市物官戶勢家與編氓均科丙辰彗滅
詔進士因事送諸州軍聽讀特放逐便仍許取應辛
酉雨水銀八月戊寅班元豐崇寧學制于諸路革正
前舉登第秦埴曲冠等九人出身以淮南提舉常平
朱冠卿言秦檜挾私廢法埴等皆其子孫親戚門下

儉人於是官應試者所授階官易左爲右白身者
敕放不用白額復還後科庚辰裁州縣吏額己丑蠲
建康府積欠內帑錢帛庚寅安南國遣使入貢辛卯
程克俊罷甲子以吏部侍郎張綱參知政事九月乙
巳以翰林學士陳誠之同知樞密院事丙午立互易
爲舉坐罪法士子詔成都潼川兩路漕三同制置總
領茶馬司審度四川財賦利害其實惠得以及民調
度可以經久者條具以聞甲寅以天聖起與三真決賊
吏指揮班示諸路丙寅增大理寺吏秩辰命吏刑
二部脩條例爲成法冬十月己巳朔詔許秦檜在位

之日無辜被罪者自陳羣正罷浙東常平司平準務
乙亥詔四川監司帥臣制置總領茶馬司各舉可守
那者甲午年詔道永三州桂陽軍民牙丁米乙未王
會移瓊州編管以宋既黨附秦檜青梅州安置丁酉
以張浚上書論用兵依舊永州居住辛丑遣李琳使金賀
正旦葛立方賀金主生辰閏月丙午罷廉州貢珠縱
蛋丁酉便巴酉命離軍人願歸農者人給江淮湖廣
荒田百畝復其租稅十年乙卯初置臨安府左右廂
官分掌訟牒十一月甲戌命吏部侍郎陳康伯戶部
侍郎三傑稽考國用歲中出納之數丙戌裁定六曹

寺監百司吏額十二月辛丑命三省錄臺諫所言事
報樞密院癸丑万俟卨上重脩貢舉勅令格式甲寅
罷諸路鑄錢司庚申賞應詔論事切當者壬戌三佛
齊國入貢甲子金遣梁昧等來賀明年正旦
二十七年春正月乙酉辛延祥觀戊子命侍從各薦
宗室京朝官才識治行者二人二月丁酉朔復兼書
經義詩賦法庚子楊政卒壬寅太廟仁宗英宗兩室
桂芝草生戊午以御史中丞湯鵬舉參知政事庚申
更定福建路鹽法癸亥加劉錡太尉三月己巳命京
局改官人先除知縣乙酉赤氣出紫微垣丙戌賜禮

部進士三十人以下四百二十六人及第出身丁亥
詔焚交趾所貢翠羽于通衢仍禁宮人服用銷金翠
羽已丑減三川對糴米歲十六萬九十石夔路繳賞
絹五萬匹兩川緡估錢二十八萬緡及茶司引息虛
額錢歲九十五萬緡辛卯方俟高卒壬辰以將行中
前在蜀巡撫南雄州安置甲午除耕牛稅五月癸未
金遣耶律守素等來賀天由節辛卯復以五帝神州
地祇等十三祭爲大祀六月甲辰命巨濟轉對盡忠
兩陳母撫細微以應故事戊申以湯思退爲尚書右
僕射同中書門下平章事庚戌復余深黃潛善並觀

文殿大學士乙卯裁定離軍將士諸刑添差數戊午
初命太廟之饗祭功臣臘饗祭七祀松饗祭之己未
進錢忱少傅增命官捕獲私茶鹽賞與秋七月己巳
復饒顛韶三州鑄錢監癸酉戒監司郡守舉劾守令
觀望徇私乙亥以龍圖閣學士李文會爲四川安撫
制置使丙子詔凡出命令先經兩省書讀如舊制八
月乙未以湯鵬舉知樞密院事庚申復置直提領諸路
鑄錢司于行在以戶部侍郎榮蕤領之九月癸酉張
綱罷戊寅以吏部尚書陳康伯參知政事蠲准南京
西湖北積欠內藏錢帛丁亥校書郎葉謙亨言祀典

散逸隆殺不當名稱或外請勅禮官修善酌景德故
事取祭祀之式定為一書名曰紹興正祠錄以為恒
制詔從之冬十月壬寅有赤氣隨日入癸卯築通泰
楚三州捍海堰辛酉詔四川諸司察旱傷州縣捐其
稅振其飢民十一月癸亥朔減福建鹽鈔錢歲八萬
緡乙丑遣孫道夫使金賀正旦辛巳遣劉章賀金主
生辰丁亥湯鵬舉罷戊子蠲廬州二稅及上供錢米
一年十二月甲午詔廣南經畧市舶司察蕃商假託
入貢丙辰初命州縣置禁曆戊午金遣高思廉等來
賀明年正旦

二十八年春正月己巳申禁三衙彊刺平民為兵
外幸延祥觀遂幸玉津園壬午禁諸路二稅折納增
價癸未遣戶部郎中莫蒙等檢視淮南浙西江東沙
田廬場中申命臺諫侍從三人以上公為監司治狀
二月癸巳命文館重脩徽宗大觀以前實錄丙申以
陳誠之知樞密院戊戌禁沿河州軍場買乙巳以工
部侍郎王綸同知樞密院事己酉命太常寺詳定
差以舊法癸丑加楊存中少師謚張俊曰忠烈三月
辛酉朔日有食之丙寅雪丁丑加田師中開府儀同
三司大寅詔自今用人盡用臣監司會任知官已上

民逋賦冬十月丁亥朔遣沈介使金賀正旦黃中賀
金主生辰辛丑禁監司帥守私役軍匠十一月己卯
合祀天地于園立大赦壬午復命檢舉諸人因赦獲
放者告訐得罪者不預十二月庚寅安定邵王令衿
薨辛丑脩睦親宅建宮學丁未復李光宣放自便戊
申蠲楚州歸附民賦後五年壬子金遣蘇保衡等來
賀明年正旦是歲興元都統制姚仲復籍興元府等
五州義士得二萬餘人

二十九年春正月丙辰朔以皇太后年八十詣慈寧
殿行慶壽禮庚申濬平江二十六浦以泄水庚午振

湖秀諸州饑民癸酉幸延祥觀庚辛壬子澤國庚辰禁
諸州科賣倉鹽癸未蠲沙田蘆場為風水所侵者租
之半是月金國罷沿邊榷場惟泗州如舊二月丙戌
朔亦罷沿邊榷場存其在貯貽者加吳璘少保己丑
禁海商假託風潮私往北界壬辰除臨安府歲供修
的司錢三萬六千緡丁酉蠲四川折估糶本積欠錢
三百四十萬緡戊戌大雪兩電己亥春不覺分勿廣南羈
縻州物貨命廣西教閱峒丁庚戌罷諸路兵候廵卒
甲寅取具貶死巨僚姓名議加恩與三月丙子除州
縣積欠錢三百九十七萬緡有奇及甲午下五所欠入

官錢物丁丑詔侍從臺諫帥臣監司歲舉可在將帥
者二人限命官子孫制田減父祖之半併其詭名寄
產者格外田畝同編戶科役己卯除湖州平江紹興
流民公私逋負夏四月壬辰國子司業黃中自金國
使還言金人將徙居汴京以見逼遼早鎔邊備宰相
怒不聽己亥脩三省法庚子增置帶御器械四員丙
午禁內外將佐營造回易倍數軍士辛亥命縣令有
政績者諸司同薦不次升擢以風厲之五月甲寅朔
罷鬻福建閒生沙田丁巳詔殿前司選統制官部兵
千人戍江州裨壓盜賊每歲一易己未椿頭江浙四

路折帛錢于三總領所及浙西提刑司以備軍用辛
酉禁權要家民舉錢軍中取息丁卯命印給三總領
所見錢公據關子許商人入納己巳立監司守臣舉
劾八條金遣王可道共來賀癸申第六月甲辰朔遣
王綸等爲金國奉表稱謝使丁亥禁江淮私渡北人
丙申陳誠之罷禁濬錢民戶過萬緡官戶過二萬緡
滿二年不易他物者沒入之丁酉申禁包首請託己
亥以陳康伯兼樞密院事辛丑李光亨壬寅以主
管步軍司趙密爲太尉己酉沈該以貪冒罷閏月甲
寅立荆南戍卒千人守臣劉錡亦募效用二千人丁

已命江湖浙西五漕司增價糴米二百二十萬石赴
沿江十郡自剋至常刑以備振貸戊午罷成都府路
隔槽酒務監官七十一員令民承買己未罷江浙淮
東沙田蘆塲所增租課甲子落沈該觀文殿大學士
致仕罷福建安撫司官賣鹽戊辰六省准西冗官辛
未復置江淮荆浙福建廣南路提點坑冶鑄錢官秩
七月丁亥以權吏部尚書詹允中參知政事癸巳封
權戶部侍郎令諤爲安定郡王戊戌福州大水己酉
禁諸路抑買官田庚戌以四川經總制及田晟錢糧
錢共百三十四萬緡充增招軍校費八月甲子募

入輸米行在諸倉願以茶鹽礬鈔等價直者聽丁卯
除菊雄英連三州經界復丁米舊額甲戌併史館歸
秘書省王鼎所歸宗正寺九月甲申詔建炎以來使
未還而後嗣無祿者與一子官乙酉王綸使還入見
言金國和好無他丙戌湯思退等稱賀甲午以湯思
退爲尚書左僕射陳康伯爲右僕射並同中書門下
平章事乙未以皇太后不豫大赦不視朝丙申爲太
后祈福蠲中下戶所欠稅賦及江浙蝗潦州縣租丁
酉減僧道免丁錢己亥蠲見監賊罰賞錢庚子皇太
后帝昀崩癸卯遣周麟之等爲金國奉表哀謝使冬

十月甲寅以群臣五上表始聽政命保康軍節度使
吳益為權宮總護使乙亥立諸路和羅募民運米賞
格戊寅冊謚皇太后曰顯仁十一月丁亥遣賀正中
等為金國遣留國信使丙午權權顯仁皇后于永祐
陵十二月甲寅謀言北界禁民妄傳起兵帝諭六臣
常自治為安邊息民之計甲子封顯仁皇后神主于
太廟辛未以王綸和樞密院事壬申減二省樞密院
激賞庫及諸書局歲用錢二十萬緡鼎州程昌寓所
增蔡州官兵衣糧錢四之一西和州官賣鹽直之半
博州上供經總制司無額錢如之丙子金遣施宜生
等來賀明年正月

三十年春正月戊子給劉錡軍費錢六千萬緡丙申
以吏部侍郎葉義問同知樞密院事廢御書院丁酉
罷鈞容班樂工及甲庫酒局壬寅募人墾淮南荒田
甲辰定御葦院三營兵額為九百人二月甲寅罷夔
州路權茶乙卯金遣大懷忠等來弔祭戊午遣葉義
問為金國報謝使癸酉詔立普安郡王瑗為皇子更
名璋丙子進封建王三月辛巳復館職召試然後除
權免湖北京西宣撫司諸庫未輸錢八十九萬緡癸
未以淮東茶鹽司錢十萬緡充募民墾田費乙酉加

吳光平少保趙密開府儀同三司以賞贖官之勞丁酉
初置金州御前諸軍都統制以知金州王彥為之癸
卯賜禮部進士梁克家以下四百一十二人及第出
身甲辰置牧馬監于朔惠二州丙午加恩平郡王瓊
開府儀同三司判大正事始稱皇姪夏四月己酉
朔以孫愔為蘄州防禦使愔貴州團練使博榮州刺
史丙辰以賀允中兼提同知樞密院事五月辛巳刺
海賊罪不至死者為北猛龍騎軍初置荆南府御前
諸軍都統制以劉錡為領之乙酉初置江州御前諸
軍都統制以步軍司前軍都統制戚方為之詔諸路

剽強盜貨死以壯者為兵丙戌定鑄錢司歲鑄五十
萬緡辛卯臨安於潛安吉三縣大水海賊陳演添作
亂掠富雷二州境上南恩州民林觀禽殺之命觀以
官丙申金遣蕭崇壽來賀天申節壬寅落沈該致仕
復觀文殿大學士知明州丙午以吳益為太尉六月庚
戌復以諸軍見錢關子三百萬緡聽商賈以錢銀請
買庚午王綸罷辛未以江西廣東湖南浙昂經總制
錢合六十萬緡江西未六萬石充江州軍費冬益以
四州利路經總制江西奉引合二十萬緡秋七月戊
寅遣明州水軍三百皮尾山黃魚梁巡捕檣船之為

盜者曰申詔諸路帥司春秋教閱禁兵弓弩考于戊戌
以葉恭我問知樞密院翰林學士周麟之同知院事御
史中丞朱倬參知政事八月丙午朔日有食之天子子
賀免中使還言金人必畔盟宜為之備癸丑九月中致
仕甲寅復以四川經總制錢五十萬緡給總領所增
招兵士壬申准京總管許世安奏金主亮三汴京起
重兵五十餘萬屯宿泗州謀來攻九月庚寅以帶御
器械李寶為浙西副總管提督海船駐平江丙申命
劉寶具招制勝軍千人丁酉罷內侍省冬十月丙午罷
內侍官承受諸軍奏報文字丁未遣虞允文使金賀

正旦徐度賀金主生辰庚戌雷辛酉鎮江都統制劉
寶以專悍貪橫罷壬戌以劉錡為鎮江都統制荆南
右軍統制李道為都統制癸亥日中無雲而雷癸酉
蠲舒和蘄黃四州民附種田租十一月庚辰禁諸路
折輸職田錢癸巳夜有白氣出入危昴間十一月乙
巳朔湯思退罷初行會于于東南戌申夜白氣亘天
海南黎賊王文滿平己酉罷招刺三衛及江上諸軍
庚戌禁掠賣生口入溪峒癸丑命戶部立經總制錢
十年中數為定額丁卯金遣僕散權等來賀明年正
旦

本紀卷第三十一
二十一年春正月甲戌朔以日食不食朝丁丑雷丁
亥免湖州增丁所輸絹皮風雷雨雪亦作辛卯詔江
浙官民戶均輸和市絳帛壬辰劉寶等劾福建路
居住丙申大雨雪給三衙衛士衣在貧民發及薪炭
命常平振給輔郡細民諸路監司決獄已亥放張浚
胡銓自便癸子禁淮南拘籍戶馬二月戊申復置印

本紀卷第三十一

宋史三十一

開復醫官桂國錄軍國重事前善事其國吏領運軍都總教臣脫脫等奏
勅修

高宗九

三十一年春正月甲戌朔以日食不食朝丁丑雷丁

亥免湖州增丁所輸絹皮風雷雨雪亦作辛卯詔江

浙官民戶均輸和市絳帛壬辰劉寶等劾福建路

居住丙申大雨雪給三衙衛士衣在貧民發及薪炭

命常平振給輔郡細民諸路監司決獄已亥放張浚

胡銓自便癸子禁淮南拘籍戶馬二月戊申復置印

宋史三十一

州惠民監丞以趙寧領殿前都指揮使甲寅罷揚
 存中殿前都指揮使進太傅為醴泉觀使封同安郡
 王丙辰置行在倉子務乙丑復舊僧道度牒分經
 義詩賦為兩科丙寅詔通進司承受內降文字並囊
 封送三省樞密院辛未秦熺平贈太傅三月甲戌朔
 命破敵軍統制陳敏部兵屯太平州己卯官勳臣魏
 仁浦馬知節余靖寇瑊諸孫各一人選文臣宗室王
 西南外兩宗司庚辰禁兩淮許民附種以利州西路
 御前諸軍都統制吳拱知襄陽府部兵三千戍之壬
 午以兵部尚書楊椿參知政事丁亥奪秦熺贈官及

遺表恩賞庚寅以陳康伯為中書左僕射朱倬右僕
 射並同中書門下平章事辛卯復李光左中大夫官
 其子孫二人壬辰地震庚子以前徽猷閣待制張宇
 發死節贈四官錄其子孫夏四月丁巳以久雨傷糞
 麥盜賊間發命侍從高諫條上弭災除盜之策出天
 申節銀十萬兩加充戶部權本辛未遣周麟之使金
 賀遷都壬申權減荆南上供錢銀給絲米之半用招
 填禁軍是月金主亮率文武群臣如汝洛五月癸酉
 朔給兩淮民兵荒田乙亥增築秦州城戊寅吳拱視
 緩急退守荆南己丑命沿淮州郡毋許入等加金

遣高昌山王全來賀天申節全揚言無禮其主亮
語求淮漢地及指取將相近臣言事目以欽宗皇帝
計聞之反漢兩浙江東福建諸州並置官軍子之半
部送樞密院按試甲午字執召同安郡王揚存中及
三衙帥是密等至都堂議舉兵詔以王全語詢諸路
統制帥守監司隨宜應變毋失機會是日為欽宗皇
帝發喪特詔持斬衰三年乙未以吳麟為四川宣撫
使仍命制置使王剛中同處置軍事丙申命主管馬
軍司成閔部兵三萬人戍鄂州庚子命兩浙江湖福
建諸州起禁軍弓弩手部送明州平江府江池太平

三州荆南府軍前殿中侍御史陳俊

竊權抗政乞斬之以作士氣六月乙巳以群臣三上

表乞罷政丙午劉錡乞即日移軍渡江詔錡進發騎

兵屯揚州丁未出宮女三百九十人蠲除安府禁軍

關顯發五年己酉以御史中丞汪澈為副北京西宣

諭使辛亥金三亮遣大懷正至盱眙護送得使臣京

問云將以六月遷汴京令其歸奏癸丑罷安府禁軍

今所歸刑部乙卯以劉錡為淮南江東西浙西制置使

戊子命樞密劉炎同提舉措置沿淮盜賊庚申

三宣諭使都統制戚方提總江上諸軍策應

軍馬制諭吳拱嚴備襄陽視緩急合田師
守底開兵以援之甲子始御正殿乙丑放女樂二百
餘入丙寅聽淮南諸州移治清野戊辰以周麟之辭
使北命樞密都承旨徐嘉代行淮北民兵
等率眾萬餘來歸秋七月丙子命兩浙
諸州預備敵兵詔諸路帥臣教閱士兵
戊寅命
雪州守臣鄭制高容廉化四州軍馬時言川軍賊陵
鐵作亂東南第十二將高居昇會三州巡尉討
平之戊子周麟之分司均州居住
正人壬辰徐嘉等至時昭金主亮以非所取之人

諭遣亟還癸巳詔四川賊自當專以總領所如遇
警急調發不及申奏則令宣制司隨官措置先舉後
聞乙未行新造會子于淮浙湖北京西諸州是月金
主亮徙都汴京命其臣劉萼由唐鄧賊荆襄張中房
王及童養泰鳳穎巴蜀蘇保衡完顏鄭家如由海道
起兩浙八月辛丑朔忠義人魏勝復海州李寶奉制
以勝知州事丙午蠲諸路逋欠經總制錢江講等
上候示丁未以婉容劉氏女預國政廢于家
京西湖北民秋稅之半辛亥以劉婉容事遷聖
軍承宣使王繼先福州居住傳子孫官籍其貴

李晉率舟師三千發江陰大風退泊明州聞警聚兵
復進乙卯劉鏡引兵屯揚州遣統制三剛以兵五千
中寶應丁巳召田師中赴行在尋以吳璠為鄂州諸
軍都統制壬戌復用資政殿學士張壽落致仕知建
康府癸亥分處歸正人於淮南諸州能自喜者從便
願為兵者籍之乙丑詔便宜選補戰功人後勿遽減
丙寅出內帑錢七萬緡犒戍兵之家仍悉除軍債已
已起復咸開為湖北京西制置使節制兩路軍馬九
月庚午朔命大臣朝饗太廟辛未宗祀徽宗于明堂
以配上帝大赦甲戌金人犯界半堡守將李彥堅拒

知金兵遂扼大敵關吳玠守界半堡守將高松等
榜之庚辰以給事中黃通為同知樞密院事壬午流
星書隨乙酉詔劉鏡王德用顯忠感方嚴備清河穎
河滑河口丁亥成閭渡江屯應城縣遣吳玠戍鄂州
博州民王文直聚兵八名自據河北安撫制置使以
其從王任為副遣軍師馮毅入朝奏事王德用將彭
亨等至寶雞渭河夜劫金人營頭營破之庚寅示開遣
統制趙尊都兵五千駐德安辛卯命國使臣壽至
秦州守臣以聞其營多停慢王長監臨監軍漕河度
夏等復泗州癸巳金人犯界半堡守將張超等帥之

甲午開蓋大行皇帝曰恭文順德仁孝皇帝廟號欽
宗吳璠遣將劉海復秦州金守將蕭齊降乙未金人
犯信陽軍內申吳璠遣將曹沐復澧州戊戌劉錡登
揚州詔以金人皆言國降吳璠詔中京軍民已亥蘭州
漢軍二千戶王宏殺其刺史溫敷烏也來降吳璠遣將
蕭齊復隴州是月金主亮以尚書右丞李道為大都
督遣淳梁于淮水之上遂自將來攻長號百萬遠近
大震冬十月庚子朔詔將親征魏勝攻沂州敗還海
州金人聞之李道必將歸至東海縣金人解圍去寶
遂入湖州辛丑金人自滿濟淮以卯三季兼陝

西河東招討使劉錡兼京東河北東路招討使成閔
兼京西河北西路招討使金人陷將州李顯忠遣統
制孔福與金人戰于大人洲敗之乙巳金人復犯海
州魏勝李寶擊其部之劉錡引兵次淮陰金人將自清
河口入淮銷列兵于運河岸以扼之丁未命宣撫制
置司傅敏契丹西夏高麗渤海諸國及河北河東陝
西京東河南諸路諭出師共討金人是日金人立其
東京留守烏三辰為皇帝改元大定戊申三歲聞金
兵大至自唐州引兵進屯昭關已酉知均州武軍招
納北界杜海等一萬人來歸庚戌復置機宜房知唐

守臣陸憲棄城走于子改楚王瑋為鎮南宣節度使
劉錡遣統制三剛等擊敗金人于清河口金人復來
戰剛失利吳玠遣將侯俊郝敦言復唐州癸丑借江
浙荆湖等路坊場淨利錢三百八十萬緡以備賞軍
金人圍廬州都監權州事楊椿率兵突陣出守水砦
金人又攻海州李寶方戰敗之解圍去甲寅金人攻
樊城吳玠遣守將翟貴王進與戰貴進俱戰死金兵
亦退劉錡遣兵渡淮及金人戰死者十七八金主亮以
大軍三廬州城北之五里寨土城以居戚方遣將張

寶復將州乙卯以金人渝明盟告于天地宗廟社稷命
州縣諭富民捐貲助國劉錡聞王瑋遣自淮陰引兵
歸揚州丙辰金主亮入廬州王權自昭關遣金人追
至尉子橋帝遣軍統制姚興戰死權退保和州金州
都統制王方遣統制任天錫出洵陽復豐陽縣丁巳
帝聞王權敗召楊存中同辛執議于內殿陳稟伯賚
帝定議親征武鉅遣將荀琛復鄧州戊午任天錫復
商洛縣命吳璘趣出兵漢中葉義問督視江淮軍馬
中書舍人虞允文參謀軍事金人犯真州步軍司統
制邵宏淵逆戰于胥浦橋兵敗真州陷金人不入城

遂犯揚州己未任天錫復商州執其守完顏守能遣
搏引兵渡淮庚申以揚存中為御營宿衛使復
襄信縣王權自和州遁歸屯于東采石辛酉復揚
退觀文殿太學士充醴泉觀使兼侍讀分行在官吏
三之一扈從餘留行遣常事金人陷和州士戍以將
士勞於征討避殿減膳劉錡退軍瓜州鑲金人陷揚
州淮東安撫使劉澤棄城奔泰州以戶部侍郎劉岑
為御營隨軍都轉運使李顯忠為御營先鋒都統制
屯蕪湖主營步軍司李捧為前軍都統制趙樽復新
蔡縣癸亥募諸州豪民招槍伏已箭前赴行在金人

入揚州王權自采石夜還建康尋復如采石甲子復
張浚觀文殿大學士判潭州吳璘遣統制吳挺向起
等及金人戰于德順軍之治平砦敗之趙樽復平興
縣乙丑金人趨瓜州劉錡遣統領負琦拒之于皂角
林大敗之斬其統軍高景山丙寅李寶錫金舟師于
膠西縣陳家島大敗之斬完顏鄭家奴等五人劉錡
還鎮江府趙樽復泰州斬其總管楊富分御營宿衛
為五軍金人攻秦州向起吳挺擊却之丁卯葉義問
至鎮江詔起江浙福建諸州疆丁赴江上諸軍武鉅
復虢州盧氏縣任天錫復朱陽縣戊辰殿中侍御史

杜幸老劾內侍張去為帝不悅去為致仕出幸老知遂寧府十一月己巳朔邵宏淵遣統領崔阜及金人戰于定山賊之任天錫復魏州守將蕭信遁去庚午通州守臣崔邦弼棄城去辛未成閔引兵發應城縣援淮西遣權吏部侍郎汪應辰詣浙東措置海道壬申以張浚判建康府召王權赴行在以李顯忠代將邵宏淵為池州都統制金人犯瓜州鎮江中軍統制劉汜戰敗走權都統制李橫亦遁金人鐵騎奄至江上統制魏俊王方死之葉義問惶怖欲退走復趨建康金人游騎至無為軍守臣韓髦棄城走歿西淮寧府民陳亨祖執同知完

顏耶魯以其城來歸趙搏引兵去蔡州復陷甲戌池州統制官崔定等復入無為軍乙亥金主亮臨江築壇刑馬祭天期以翌日南渡丙子虞允文督建康諸軍統制官張振王琪時俊載阜等以舟師拒金主亮于東采石戰勝却之崔定復巢縣任天錫復上津商洛二縣丁丑虞允文遣水軍統制盛新以舟師擊金人于楊林河口又敗之金主亮焚其舟而去戊寅王彥遣將楊堅復樂川縣己卯以湯思退為行宮留守並恨蠻犯嘉州籠蓬堡官軍大敗副將鄭祥等為所殺庚辰金主亮引軍趨淮東癸未吳璘病自仙人原

還興州留姚仲節制軍事虞允文自采石率李捧一
軍及戈船如鎮江備敵甲申贈姚興魏俊王方官金
圭亮至揚州乙酉貸劉汜死英州編管江州統制李
貴忠義者領孟俊復順昌府金州將邢進復華州丙
戌賜戰士帛給其家薪炭任天錫復陝州丁亥劉錡
以疾罷以御營宿衛中軍統制劉銳權鎮江都統制
成閔自京西還建康遂如鎮江戊子吳璘復力疾上
仙人原己丑王權貸死瓊州編管李寶泛海南歸金
人復攻陝州任天錫破走之復犯襄陽統制官李滕
等拒却之復通化軍王彥遣將楊堅覺清至西京長

水縣及金人戰敗之庚寅復長水縣癸巳以成閔為
鎮江都統制淮東制置使京東西路河北東路淮北
泗宿州招討使李顯忠為淮西制置使京畿河北西
路淮北壽亳州招討使吳拱為湖北京西制置使京
西北路招討使甲午武鉅遣鄉兵總轄杜隱等復嵩
州乙未金人陷秦州是日金人弑其主亮于揚州龜
山寺戊戌金都督府遣人持檄詣鎮江軍中議和十
二月己亥朔趙搏夜襲蔡州復入其城王彥遣兵復
福昌縣庚子楊存中及虞允文渡江至瓜州察金兵
金人犯漢南之茨湖鄂州軍士史俊登其舟獲一將

諸軍繼進遂擊却之楊椿夜攻金人殺其帥高定山
復廬州辛丑以李寶為靖海軍節度使浙西通泰海
州沿海制置使京東東路招討使金統軍劉萼聞茨
湖敗亦退師王彥遣將閻玘復澠池縣壬寅天有白
氣以趙密為行宮在城都總管成閔渡江之揚州癸
卯命諸路招討司率兵進討互相應援沿江諸大帥
條陳恢復事宜復岳州舊名右軍統領沙世堅入秦
州甲辰虞允文自鎮江入見均州統領晉朝復鄧州
乙巳張浚以慈湖命李顯忠引兵渡江丙午淮東統
制王德復入州丁未杜隱等入河南府吳拱遣統領

牛宏入汝州戊申帝發臨安建王從行庚戌金人渡

淮此去壬子次平江罷省視府虞允文還至鎮江癸

丑淮東總制劉統陳敏引兵入泗州鄂州統制楊欽

以舟師追敗金人于洪澤鎮乙卯江北金兵盡去李

顯忠復入和州吳璘遣將復水洛城金人復破汝州

牛宏敗走戊午次鎮江府庚申吳璘遣將拔金人治

平此壬戌曲赦新復州軍申子降淮南京西湖北雜

犯死罪以下囚賞來石功進統制張振時俊等官金

穎壽二州巡檢高顯以壽春府來降丁卯命諸道籍

鄉兵初王直王任聚兵嘗命友直為天雄軍節度

使任為天軍節度使金主襄流立下令散其衆友
直等自壽春來歸是月金主知亮已死遂趨燕京
三十二年春正月戊辰朔日有食之帝在鎮江已巳
金人犯壽春府忠義將劉泰戰死金兵引去庚午發
鎮江府壬申至建康府張浚入見丙子裒翼祖太子
夾室已卯李顯忠引兵還建康庚辰罷郡守年七十
者壬午金人復犯蔡州趙樽力戰却之乙酉權知東
平府耿京遣其將賈瑞堂書記辛棄疾來奏事己丑
金主遣其臣高忠建等來告嗣位以耿京為天平軍
節度使知東平府庚寅詔新復州縣搜訪仗節死義
之士丙申以揚存中為江淮荆襄路宣撫使虞允文
副之給事中全安節中書舍人劉珙綴奏冊上乃改
命存中措置兩淮二月戊戌朔罷借兩浙江淮坊場
淨利錢以虞允文為兵部尚書川陝宣諭使措置招
軍市馬及與吳玠議事庚子興州統領惠逢等復河
州振兩淮饑民壬寅金人犯汝州守將王宣與戰敗
之癸卯帝發建康惠逢復積石軍又克來羌城丁未
劉錡亮巴西王宣及金人再戰于汝州庚戌金人全
師來攻宣敗績棄去辛亥金人復犯順昌府孟新率
却之尋亦棄去壬子賞蔡州功趙樽等進官有差乙

卯至臨安府與元都統制姚仲攻鞏州不下退守甘
谷城遂引兵圍德順軍丙辰金人犯蔡州趙搏擊却
之戊午復引兵來攻搏又敗之金兵遁去王彥遣將
馬貴斷河中南橋金兵來攻貴戰敗之壬戌詔重士
戰死者祿其家一年傷重而死於管者半之乙丑王
宣及右軍副將汲靖敗金人于蔡州確山縣趙搏擊
蔡州丙寅金人復取之姚仲遣副將趙銓攻下鎮安
軍金同知渭州李弼及其子曹泉歸王彥遣兵救陝
州遇金人于魏州東敗之金兵引去丁卯吳玠遣將
復永安軍永寧福昌長水三縣閏月癸酉金人破河

州屠其城乙亥命楊存中李顯忠固守新復州軍量
度進討丙子玠遣將復原州戊寅拊欽宗主于太
廟冬未報淮南歸正人金人犯魏州吳玠遣楊從儀
等攻拔大散關分兵據和尚原金人走寶雞丙戌給
張浚錢十七萬緡遣昭江諸軍戰艦庚寅王剛破金
人于海州辛卯楊椿罷壬辰姚仲攻順德軍敗金人
于瓦亭砦新店是月張安國等攻殺耿京李寶將王
世隆攻破安國執之以獻三月壬寅再定金使入境
發伴館伴舊儀癸卯成閔遣統制杜彥救淮盩擊敗
金人于項城縣甲辰罷扈從官申賞典乙巳魏高號

之功加吳璘少傅王彥為保平軍節度使戊申吳璘
復德順軍又遣將嚴忠取環州辛亥命安武衛節度使
俊德二部侍郎許尹經畫兩淮堡砦屯田癸丑金人
圍寧州守臣陳亨祖死之甲寅吳璘自德順軍復還
河池金人犯鎮戎軍丁巳遣洪邁等督金三即供戊
午忠義軍統制知蘭州王宏拔會州金人陷淮寧府
統領戴規戰死成閔歸自淮寧辛酉金人攻原州丙
寅詔舉賢臣四月丁卯朔仲遣兵救原州己巳
命侍從臺諫條上防秋足食足民策遣左武大夫都
飛虎結納河東壬申賞衛營宿衛將士四萬餘人進

官有差癸酉蠲淮東破州軍士俸銀絹米麥及經
總制錢年蒙縣民倪震澤丁口數千來歸甲戌募
民耕淮東荒田蠲其徭役及租抗七等戊寅以御史
中丞汪澈參知政事金人圍海州戊子洪邁等辭行
報聘善用敵國禮是月大雨淮水暴溢數百里漂沒
廬舍人畜死者甚眾五月戊戌兵燹自河池如鳳翔
巡邊姚仲遣兵救原州數敗金人庚子復置提舉秦
州買馬監令四川總鎮官兼權其職壬寅姚仲及金
人戰于原州北嶺敗績戊申復以楊存中為醴泉觀
使奉朝請能御營宿衛司辛亥鎮江都統劉子蓋

海州遇金人于石湫堰大敗之金人解去甲寅命
張浚專一措置兩淮事務兼節制淮東西沿江湖郡
軍馬乙卯知順昌軍孟昭率部曲奔歸巴未吳玠遣
將復熙州壬戌禁諸軍互招逃亡亦罷漢太尉張東
北流民命張浚置御前萬營營募淮民為之甲子詔
立建王瑋為皇太子更名睿加成閔太尉主管殿前
司李顯忠為太尉主管馬軍司籍諸州歸正人願為
農者給官田復租十年願為兵者赴軍中六月丙寅
朔吳玠次大幽嶺檄召姚仲至軍前下河池獄命夔
路安撫使李師顏代將其六戌長名新官曰德壽庚

午以吳玠主管步軍司罷二招討司甲戌加贈兄子
偁為太師中書令追封秀王謚安僖妻張氏封王夫
人乙亥朱倬罷丙子詔皇太子即皇帝位帝稱太上
皇帝退處德壽宮皇后稱太上皇后孝宗即位累上
尊號曰光堯壽聖憲天體道性仁誠德經武緯文紹
業興統明謨盛烈太上皇帝淳熙十四年十月乙亥
崩于德壽殿年八十一謚曰聖神武文憲孝皇帝廟
號高宗十六年三月丙寅攢于會稽之永思陵光宗
紹熙二年加謚受命中興全功至德聖神武文昭仁
憲孝皇帝

贊曰昔夏后氏傳五世而后羿篡少康復立而祀夏周傳九世而厲王死于彘宣王復立而繼周漢傳十有一世而新莽竊位光武復立而興漢晉傳四世有懷愍之既元帝正位於建鄴唐傳六世有安史之難肅宗即位於靈武宋傳九世而徽欽陷于金高宗續圖于南京六君者史皆稱為中興而有異同焉夏經昇從周歷共和漢間新室更始晉唐宋則歲月相續者也蕭王琅琊皆出疏屬少康宣王肅宗高宗則父子相承者也至於克復舊物則晉元與宋高宗視四君者有餘責焉高宗恭儉仁厚以之繼體守文則有

餘以之撥亂反正則非其才也况時危勢逼兵弱財匱而事之難處又有甚於數君者乎君子於此蓋亦有憫高宗之心而重傷其所遭之不幸也然當其初立因四方勤王之師內相李綱外任宗澤天下之事宜無不可為者顧乃播遷窮僻重以苗劉群盜之亂權宜立國确辱難哉其始惑於汪黃其終制於姦檜恬墮猥懦坐失事機甚而趙鼎張浚相繼竄斥岳飛父子克死於大功垂成之秋一時有志之士為之扼擊切齒帝方偷安忍恥匿怨忘親卒不免於來世之誚悲夫

紅光滿室如日正中少長命名伯琮及元懿太子堯
高宗未有後而昭慈聖獻皇后亦自江西還行在后
嘗感異夢密為高宗言之高宗大寤會右僕射范宗
尹亦造膝以請高宗曰太祖以神武之天下子孫不
得享之遺時多難儲君可憫朕若不法仁宗為天下
計何以慰在天之靈於是詔選太祖之後同知樞密
院事李回曰藝祖不以大位私其子發於至誠陛下
為天下遠慮合於藝祖可以昭格天命參知政事張
守曰藝祖諸子不聞失德而傳位太宗過堯舜遠甚
高宗曰此事不難行朕於伯宇行中選擇庶幾昭穆

順序而上虞丞婁寅亮亦上書言昌陵之後故事無
聞僅同民庶藝祖在上莫肯顧歆此金人所以未悔
禍也望陛下於伯宇行內選太祖諸孫有賢德者高
宗讀之大感歎紹興二年五月選帝育子禁中三年
二月除和州防禦使賜名璣壬寅改貴州五年五月
用左僕射趙鼎議立書院宮中教之既成遂以為資
善堂帝讀書彙記天資特異己亥制授保慶軍節度
使封建國公六月己酉聽讀資善堂以徽猷閣特制
范冲兼翊善起居郎未震兼讀讀高宗命帝見冲震
皆拜十二年正月丁酉加檢校少保封普安郡王三

月壬寅出閣就外第十二年九月秀三歿于秀州十四年正月庚辰長曆廷臣議聽辨官行服十六年四月乙巳免喪還舊官十七年六月戊午改常德軍節度使二十四年衢州盜起秦檜遣殿前司將官辛立將十人捕之不以聞帝入待言之高宗大驚明日以問檜檜謂不足煩聖慮故不敢聞候朝又盜平則奏矣檜退知為帝言忌之及檜疾篤其家秘不以聞謀以子熈代相帝又密啓高宗破其奸三十年二月癸酉立為皇子更名瑛甲戌詔下丙子制授寧國軍節度使開府儀同三司建封建王制出中外大悅四月賜

字元瓌三十一年十月壬子以明堂恩改鎮南軍節度使先是金人犯邊高宗下詔親征而兩淮失守朝臣多陳退避之計帝不勝其憤請率師為前驅直講史浩以疾在告聞之亟入為帝言太子不宜將兵乃為草奏因中宮以進請衛從以共子職高宗因亦欲帝徧識諸將十二月遂扈蹕如金陵三十二年五月甲子立為皇太子改名昀初高宗又有禪位之意嘗以諭帝帝流涕固辭會有邊事不果及歸自金陵陳康伯求去高宗復以倦勤諭之中書舍人唐文若聞而請對言不宜急遽故先下建儲之詔賜名燁監察御

史周必大密與康伯言與唐昭宗名同音不可詔別
擬進乃定今名既又命學士承旨洪遵為太子擇字
遵擬四字以進皆不稱旨甲戌御筆賜字元來乙亥
內降御札皇太子可即皇帝位朕稱太上皇帝退處
德壽宮皇后稱太上皇后丙子遣中使召帝入禁中
面諭之帝又推遜不受即趨側殿門欲還東宮高宗
勉諭再三乃止於是高宗出御紫宸殿輔臣奏事畢
高宗還宮百官移班殿門外拜詔畢復入班殿庭頃
之內侍掖帝至御榻前側立不坐內侍扶掖至七八
乃略就坐宰相率百僚稱賀帝遽興輔臣升殿固請

帝愀然曰君父之命出於獨斷然此大位懼不克當
班退太上皇帝即駕之德壽宮帝服袍履步出祥曦
殿門冒兩掖輦以行及宮門弗止上皇麾謝再三且
令左右扶掖以還顧曰吾付託得人吾無憾矣左右
皆呼萬歲是日詔有司議太上皇帝太上皇后尊號
以聞在內諸司日輪官吏應奉德壽宮增置德壽宮
提點幹辦等官德壽宮宿衛依皇城及宮門法丁丑
朝德壽宮戊寅大赦詔宰相率百官月兩朝德壽宮
已卯以即位告于天地宗廟社稷庚辰詔五日一朝
德壽宮以左武大夫龍大淵為樞密副都承旨武翼

即曾覲帶御器械癸未始御後殿甲申詔中外士庶
陳時政闕失丙戌詔進宰執官二等丁亥詔以太上
皇不許五日一朝自今月四朝復除名勒停人胡銓
官知饒州己丑詔有司月奉德壽宮緡錢十萬辛卯
詔罷四川市馬壬辰詔百官日一人入對癸巳蝗甲
午上太上皇帝尊號曰光堯壽聖太上皇帝太上皇
后曰壽聖太上皇后乙未晦金人屠原州秋七月戊
戌興州中軍統制吳挺復鞏州庚子判建康府張浚
入見以雨水飛蝗令侍從臺諫條上民間利害壬寅
詔戒飭諸郡守臣癸卯以張浚為少傅江淮宣撫使

封魏國公甲辰以參知政事汪澈視師湖北京西遣
劉琪等使金告即位戊申以四川宣撫使吳玠兼陝
西河東路宣撫使遣使與岳飛元官以禮改葬是
夜地震大風拔木己酉有事于太廟別廟癸丑馬軍
司中軍統制趙樽忠義軍統領皇甫佃復光州甲寅
朝獻景靈宮詔淮南諸州存恤淮北來歸之民權免
稅役丙辰以少保保康軍節度使莫益為少傅太尉
寧武軍節度使吳蓋為開府儀同三司丁巳罷李寶
措置海道戊午恩平郡王璩入見庚申以御前軍器
所仍隸工部辛酉詔後省看詳中外上書有可采者

四庫全書 宋史卷之三十三 五
以聞壬戌以黃祖舜兼權參知政事罷諸路聖節進
奉詔李顯忠軍馬聽張浚節制癸亥增將士戰傷死
者推恩格詔蠲四川積年逋負八月乙丑朔四川馬
軍統制高師中與金人戰于摧沙敗死丙寅吳璘與
金人戰于德順軍已巳以翰林學士史浩為參知政
事戊寅率群臣詣德壽宮奉上太上皇帝太上皇后
尊號冊寶丁亥班寬恤事十八條起居舍人洪邁知
閣門事張掄坐奉使辱命罷甲申吳璘敗金人于北
山戊子追復李光資政殿學士趙鼎范冲並還合得
恩數庚寅以生日為會慶節進冊故妃郭氏為皇后

九月甲午以子愔為少保承慶軍節度使進封鄧王
愷為雄武軍節度使開府儀同三司進封慶王得為
鎮洮軍節度使開府儀同三司進封慶王得為
攻德順軍東山堡中軍將李庠戰死丁酉詔開講日
召韓巨觀講川陝宣諭使虞允文以論邊事不合罷
已亥詔侍從臺諫舉知四川利害可為都轉運使者
袁子以金人來索舊禮詔宰執侍從臺諫各陳應敵
定論以聞辛丑詔吳璘審度措置保金川蜀乙巳詔
纂錄勳臣名次丙午轉補朱震范冲子孫官庚戌謚
皇后郭氏曰恭懷辛亥振淮東義兵及歸正人以總

領四州賦軍馬錢糧王之望為戶部侍郎川陝宣諭使仍命將調兵同防守興州川口乙卯詔虞允文赴吳璘軍議事辛酉以吳璘為少師冬十月丙寅詔朝臣舉堪監司郡守者戊辰以岳陽軍節度使居庸開府儀同三司史浩兼權知樞密院事己巳葉義問罷詔登聞鼓院毋沮抑進狀庚午以恩平郡王璩為少保詔會慶節權免上壽戊寅詔張浚陳俊卿覆實諸將所陳功賞改謚皇后郭氏曰安穆壬午官岳飛孫六人甲申契丹招討蕭鴟巴來奔金人攻德順城吳璘擊走之復遣兵追襲遂為所敗乙酉升建州為

建寧府戊子以資政殿學士張燾同知樞密院事己丑安南都護南平王李天祚聞婆國王悉里地茶蘭國野占城國王鄒時巴蘭並加食邑實封十一月庚子以蕭鸛巴為忠州團練使乙己金人攻水洛城丙午賜忠義軍統制皇甫昂五千匹綿萬兩戊申詔改明年為隆興元年辛亥免揚存中所獻酒坊通負錢四十萬緡甲寅宮內侍官額辛酉史浩免權知樞密院事裁定文武官觀殿廟員數立措置京西營田司十二月己丑詔宰相復兼樞密使金人攻德順城縣官軍拒却之丙寅詔帥臣監司具部內任州治

行減否以聞詔棄德順城徙兵民于秦州以裏屯任
丁卯以陳康伯兼樞密使令江淮宣撫司增招武勇
效用軍戊辰詔侍從臺諫集議當今弊事仍命盡率
其屬使極言無隱辛未劉珙張說還自盱眙戊寅蜀
四川赦前登帶白契稅錢丙戌詔觀察使已上各舉
所知三人三省樞密院詳議立格以聞庚寅罷建康
鎮江營田官兵辛卯廣西賊王宣破藤州守臣廖願
棄城遁是歲諸路斷大辟四十一人

隆興元年春正月壬辰朔群臣朝于文德殿帝朝德
壽宮立武臣薦舉格甲午四川宣撫司奉詔班師庚

子以史浩為尚書右僕射同中書門下平章事兼樞
密使張浚進樞密使都督江淮東西路軍馬丙午誅
殿前司後軍謀變者戊申詔禮部貢院試額增一百
人丁巳詔吳璘軍進退可從便宜璘已棄德順道為
金人所邀將士死者數萬計二月壬戌朔用史浩策
以布衣李信甫為戶部員外郎齎蠟書間道往中原
招豪傑之據有州郡者許以封王世襲安慶軍節度
使士錢乞減奉賜之半以助軍用自是諸宗室有請
悉從之戊辰宰執陳康伯等乞再減奉止存舊格之
半許之己卯振兩淮流民及山東歸正忠義軍癸未

黃祖舜罷庚寅逐秦檜黨人仍禁輒至行在三月壬辰朔金右副元帥紇石烈志寧以書取侵地癸巳以張燾為參知政事御史中丞辛次膺同知樞密院事葉義問落端明殿學士饒州居住丙申雨雹丁酉詔戶部置局議節浮費己亥楊存中等乞減半奉如宰執例許之庚子以龍大淵知閣門事曾覲同知閣門事壬寅陳康伯上欽宗陵名曰永獻乙巳詔求遺逸丁未詔脩太上皇帝聖政罷龍大淵別與差遣曾覲復帶御器械召張浚己酉張燾罷立選人減舉主法甲寅復以龍大淵知閣門事曾覲同知閣門事給事

中中書舍人留黃不行乙卯詔飭郡縣吏庚申以久雨命有司振災傷察刑禁夏四月乙丑定選人改官歲額戊辰張浚入見議出師渡淮三省樞密院不預聞壬申賜禮部進士木待問以下五百三十八人及第出身乙亥王之望罷壬午詔戶部臺諫議節浮費癸未詔以白金二十五萬兩給江淮都督府軍費戊子張浚命邵宏淵帥師次盱眙己丑又命李顯忠帥師次定遠是月金人拔環州守臣強寬及其弟震死之五月壬申申嚴鋪翠銷金及神祠僭擬之禁丁酉李顯忠復靈壁縣邵宏淵次虹縣金人拒之戊戌顯

忠東趨虹縣唐子復虹縣金知泗州蒲察徒穆及同知泗州大周仁降辛丑命左右史日更立前殿壬寅張浚渡江視師癸卯金右翼軍都統蕭琦降于李顯忠甲辰顯忠及宏淵敗金人于宿州乙巳史浩罷追復司馬康右諫議大夫丙午復宿州戮金兵數千人建康前軍統領官王珙巷戰死之丁未以辛次膺為參知政事翰林學士承旨洪遵同知樞密院事督諸路開營田辛亥詣德壽宮賀天申節金紇石烈士寧自睢陽引兵至宿州李顯忠擊卻之壬子欽宗大祥帝服衰服詣几筵易祥服行祥祭禮顯忠與金人戰

于宿州邵宏淵不援顯忠失利是夜建康中軍統制周宏及邵宏淵之子世雄殿前司統制官左士淵逃歸癸丑進李顯忠開府儀同三司淮南京畿京東河北招討使邵宏淵檢校少保寧遠軍節度使招討副使金人攻宿州城顯忠大敗之殿前司統制官張訓通等七人統領官十二人以二將不叶而遁甲寅李顯忠邵宏淵軍大潰于符離乙卯下詔親征丙辰召汪澈以張浚兼都督荆襄軍馬李顯忠邵宏淵至濠州張浚以劉寶為鎮江諸軍都統制丁巳以蒲察徒穆大周仁蕭琦並為節度使徒穆大同軍周仁彰國

軍琦威塞軍遣御前忠勇軍赴都督府是月成都地震三六月庚申朔日有食之遣內侍趣上淮東將士功賞癸亥汪澈罷張浚乞致仕且請通好皆不許丁卯以觀文殿大學士湯思退為醴泉觀使兼侍讀戊辰詔虞允文以兵部侍郎周葵為參知政事汪澈落資政殿學士台州居住庚午張浚自盱眙還揚州辛未李顯忠罷軍職壬申以太傅同安郡王楊存中為御營使節制殿前司軍馬癸酉下詔罪已張浚降授特進仍前樞密使江淮東西路宣撫使官屬各奪二官邵宏淵降武義大夫職仍舊詔楊存中先詣建康

措置營砦檢視沿江守備戊寅詔展巡幸之期辛次膺罷己卯李顯忠責授清遠軍節度副使筠州安置辛巳命浙西副都總管李寶兼御營統制官措置浙西海道甲申右諫議大夫王大寶入對論移蹕以敷文閣學士虞允文為兵部尚書兼湖北京西宣諭使戊子放宮人三十人以蕭琦為檢校少保河北招撫使秋七月庚寅朔以虞允文為湖北京西制置使癸巳以湯思退為尚書右僕射同中書門下平章事兼樞密使李顯忠再責授果州團練副使潭州安置乙未詔宿州棄軍將佐奪官貶竄有差丙申太白晝見

經天罷江淮宣撫司便宜行事乙巳以旱蝗星變詔
侍從臺諫兩省官條上時政闕失丁未詔徵李顯忠
侵欺官錢金銀免籍其家乙卯裁減省部寺監官吏
戊午給還岳飛田宅八月丙寅張浚復都督江淮軍
馬庚午以劉寶兼淮東招撫使丙子以飛蝗風水為
灾避殿減膳罷借諸路職田之令戊寅金紇石烈士
寧又以書求海泗唐鄧四州地及歲幣癸未復以龍
大淵知閣門事曾覲同知閣門事丙戌遣淮西安撫
司幹辦公事盧仲賢等齎書至金帥府戒勿許四州
差減歲幣仍命諸將毋遣兵人出境九月己酉楊存

中罷冬十月戊午朔大臣奏金帥書言四事帝曰四
州地歲幣可與名分歸正人不可移辛酉御殿復膳
己巳遣護聖軍戍江南丙子詔太上皇太后教旨改稱
聖旨立賢妃夏氏為皇后丁丑地震辛巳升洪州為
隆興府詔江淮軍馬調發應接後都督府取旨餘事
悉以聞十一月己丑盧仲賢自常州以金部元帥僕
散悉表遺三司樞密院書來奏守道正之望等為金
國通問使辛丑詔侍從臺諫於後省集議講和遣使
禮獻上貢四事仍各薦為可備小使者丙午盧仲賢體
許四州下大理寺奪三官召張浚癸丑以胡昉楊由

義為使金通問國信所審議官十二月己未陳康伯
罷之五張浚入見丁丑以湯思退為尚書左僕射張
浚為右僕射並同中書門下平章事兼樞密使浚仍
都督江淮東西路軍馬壬午西南方有白氣是歲以
兩浙大水旱蝗江東大水悉蠲其租

二年春正月辛卯詔增德壽宮車營儀衛壬辰御文
德殿冊皇后癸巳脩三省法乙未及皇后朝德壽宮
丙申命虞允文調兵討廣西諸盜庚子罷諸州招軍
丙午金襍散思義復以書來庚戌申嚴卿監即官更
出迭入之制壬子振歸正人甲寅白氣亘天是月福

建諸州地震二月辛未蠲秀州貧民逋租壬申容州
妖賊李雲作亂癸酉復王權武義大夫命權廣西路
都鈐轄專一措置盜賊丙子詔飭將帥減文武官及
百司吏郊賜之半罷兩浙福建江西湖南夔州路參
議官丁丑雨雹及雪獲李雲其黨悉平乙酉朔昉自
宿州還初金帥以昉等不許四郡撤擊之昉等不屈
金主命歸之三月丙戌朔詔張浚視師于淮又詔王
之望等以幣還丁亥詔荆襄川陝帥臣嚴邊備毋先
事妄舉盧仲賢除名械送郴州編管壬寅詔知光州
皇甫偁等招納歸正人丙午壬寅等降詔二衛戍兵

歸司建康鎮江六軍更番歸營庚戌之生德壽宮以
戶部侍郎錢端禮為淮東宣諭使吏部侍郎王之望
為淮西宣諭使詔撫諭兩淮軍民王子以廣西賊平
詔減高麗雷容四州雜犯死罪囚釋赦以下蠲夏秋
稅贖以忠勇軍隸步軍司神勁右軍隸鎮江都統司
癸丑以王彥為建康諸軍都統制兼淮西招撫使夏
四月庚申召張浚還朝甲子以李顯忠侵歙官錢給
還諸軍丁卯以建康歸正人為忠毅軍鎮江為忠順
軍命蕭瑋蕭鷓巴分領之戊辰罷江淮都督府高麗
貢丁丑張浚罷癸未言者論宰相執政徇欺之弊

命書實政事堂五月壬辰復置環衛官丙申詔吳璘
毋招納歸正人辛丑詔劉寶量度泗州輕重取舍事
宜以聞江西總管邵宏淵責授靖州團練副使南安
軍安置仍徵其盜用庫錢乙巳率郡臣詣德壽宮賀
天申節始用樂丁未蝗詔內外賍私不法官吏尚書
省置籍檢勘庚戌罷招神勁效用軍辛亥鬻兩淮所
招戶馬六月甲寅朔日有食之辛酉以淫雨詔州縣
理滯囚戊辰太白晝見壬申命虞允文棄唐鄧允文
不奉詔丁丑賑江東兩淮被水貧民秋七月乙酉召
虞允文以戶部尚書韓仲通為湖北京西制置使丁

亥洪遵罷己丑以周葵兼權知樞密院事遣主管馬
軍司公事張守忠以兵詣淮西措置邊備庚子太白
經天詔内外文武官年七十不請致仕者遇郊毋得
蔭補己巳命海泗州徹戍丁未雨雹戊申蠲淮東內
庫坊場錢一年庚戌洪遵落端明殿學士癸丑以江
東浙西大水詔侍從臺諫鄉監郎官館職陳闕失及
當今急務是月罷內侍押班梁珂為在外官觀移廣
西提刑司于容州八月甲寅朔以災異避殿減膳戊
午南丹州莫延廩為諸蠻所逐來歸詔補脩武郎命
江東浙西守臣措置開決圍田甲子秦國大長公主

薨以义雨決繫囚夷后以資政殿大學士賀允中為
知樞密院事兼參知政事辛巳詔振淮東被水州縣
張浚薨壬午遣魏杞等為全國通問使九月甲申罷
內侍李珂賜謚甲午詔江東浙西監司守臣講明措
置田事乙未交趾入貢丁酉嚴賍吏法辛丑以王之
望為參知政事權刑部侍郎吳芾為給事中兼淮西
宣諭使金人犯邊以义雨出內庫白金四十萬兩糴
米賑貧民壬寅王彥帥帥濟江軍昭關癸卯命湯思
退都督江淮東西路軍馬辭不行乙巳復命楊存中
為同都督錢端禮吳芾並為都督府參贊軍事罷宣

諭司仍易國書以付魏杞少保崇信軍節度使趙密
落致仕權領殿前司職事冬十月甲寅魏杞至盱眙
金帥以國書未如式弗受欲得商秦地及俘獲人且
邀歲幣二十萬杞未得進丁卯賀允中罷為資政殿
大學士致仕己巳以周葵兼樞密院事王之望
兼同知樞密院事庚午詔輔臣夕對便殿丙子大風
集辰蠲京西湖北運糧所經州縣秋稅之半以靖海
軍節度使李寶為沿海駐劄御前水軍都統制辛巳
金人分道渡淮劉寶棄楚州遁十一月乙酉知楚州
魏勝與金人戰死之州遂陷濠州亦陷王彥棄昭關

遁滁州又陷丙戌詔諭沿邊將士丁亥詔魏杞等以
所賣禮幣犒軍杞弟從命留鎮江候旨復命王之望
督視江淮軍馬戊子以金人侵擾詔郊祀改用明年
又詔諭歸正官民軍士命王之望同都督江淮軍馬
湯思退罷都督召陳康伯己丑王之望罷同都督庚
寅命湯存中都督江淮軍馬辛卯湯思退罷尋以尹
檣罷公武論之落觀文殿大學士永州居住未至而
卒甲午以黃榜禁太學生伏闕是日太學生張觀等
上十二人上書請斬湯思退王之望尹檣竄其黨洪
适為公使而用陳康伯胡銓等以濟大計丙申遣國

信所大通事王抃持周葵書如金帥府請正皇帝號
為叔姪之國易歲貢為歲幣減十萬割商秦地歸被
俘人惟叛亡者不與誓曰大略與紹興同以金人犯
淮南詔避殿減膳丁酉詔擇日視師戊戌以少保觀
文殿大學士陳康伯為尚書左僕射同中書門下平
章事兼樞密使庚子遣兵部侍郎胡銓右諫議大夫
尹穡分詣兩浙措置海道贈魏勝寧國軍節度使謚
忠壯辛丑兵部尚書錢端禮賜出身簽書樞密院事
兼提領德壽宮壬寅詔侍從兩省官日一至都堂議
事有關臺諫者亦聽會議以顯謨閣學士虞允文同

簽書樞密院事癸卯遣王之望勞師江上甲辰金人
犯六合縣步軍司統制崔阜擊却之乙巳以錢端禮
兼權參知政事丁未以顯謨閣直學士沈介為沿江
制置使命沿江諸州調保甲分守海口己酉劉寶落
節鉞為武泰軍承宣使壬戌落龍神衛四廂都指揮
使閏月甲寅陳康伯入見詔康伯問日一朝有與至
殿門給扶升殿丙辰周葵罷王抃見金二帥皆得其
報書以歸戊午蕭琦卒壬戌詔罷胡銓尹穡丙寅召
韓仲道以沈介為兵部尚書湖北京西制置使戊辰
以金人且退詔督府撰利輦之王之望執不可乙亥

之望罷丙子以王抃為奉使金國通問國信所參議
官持陳康伯報書以行了丑金遣張恭愈來進使者
詔臺諫侍從兩省官舉楚廬滁濠四州等臣十二月
甲申罷陝西路轉運司戊子魏杞始渡淮詔郊祀大
禮遵至道典故政用來年正月一日上辛辛卯以錢
端禮為參知政事兼知樞密院事虞允文同知樞密
院事兼權參知政事禮部尚書王剛中簽書樞密院
事丙申制曰比遣王抃遠抵潁濱得其要約尋澶淵
盟誓之信做大遼書題之儀正皇帝之稱為叔姪之
國歲幣減十萬之數地界如紹興之時憐彼此之無

辜約之之不遣可使歸正之士成起寧居之心重
念救溺之民懼此一時之難老稚有蕩折之裁丁壯
有餘之之苦宜推為條之宥少慰彫殘之情慮智遠
被六州軍除逃遁官吏不赦外雜犯死罪情輕者減
一等餘並放遣遣洪進等賀金主生辰詔吳玠市馬赴
行在己亥雨雹壬寅罷三衙江上荆襄諸軍招軍甲
辰遣沿海水軍還屯己酉朝獻景靈宮庚戌朝饗太
廟

乾道元年春正月辛亥朔合祀天地于園丘大赦改
元丁巳准西安撫韓璉勒停賀州編管庚申以錢端

禮兼德壽宮使辛酉召楊存中通問使魏杞至燕山
丁卯以王抃使金有勞進五官庚午西北方有白氣
詔館職更迭補外辛未立兩淮守令勸民種桑實壬
申詔兩浙振流民以紹興流民多死罷守臣徐壽友
兩縣令癸酉蠲沿邊殘破州軍官賦一年甲戌劉實
貴采州團練副使瓊州安置乙亥罷兩淮招撫司及
陝西河東宣撫招討司丙子淮西守將孔福以遇敵
無功伏誅頗遇奪官刺面配吉陽軍牢城二月庚辰
朔朝德壽宮從太上皇帝之命是夜四聖觀已西罷
江淮都督府遣官檢察兩淮州縣振濟飢民庚寅兩

電癸巳移濠州戍兵于藕塘庚子以楊存中為寧遠
昭慶軍節度使甲辰以久雨避殿減膳蠲兩淮災傷
州縣身丁錢絹決繫囚丁未陳康伯薨謚文恭三月
甲寅太白晝見巳未御殿復膳庚申以虞允文為參
知政事兼同知樞密院事王剛中同知樞密院事命
淮西湖北荆襄帥臣措置屯田復置榷場癸亥黃祖
舜薨戊辰白氣直天巳巳罷諸軍額外制領將佐乙
亥太白經天是春湖南盜起入廣東焚掠州縣官軍
討平之夏四月庚子金報問使完顏仲等入見乙巳
吳璘入見五月庚戌以璘為太傅封新安郡王丙辰

詔有司治皇后家廟壬戌詔監司帥守講究弊事以
開合廣南東西路監事為一司癸亥詔總領帥漕臣
諸軍都統制並兼提領措置屯田沿邊守臣兼管屯
田事丁卯詔吳璘措置馬綱水路壬申蠲四川州縣
虛額錢吳璘改判興元府乙亥詔未銓試人毋得堂
除丙子遣李若川等使金賀上尊號增置諸路鈐轄
都監郴州盜李金等復作亂遣兵討捕之六月癸未
王剛中薨乙酉詔恭王府直講王淮傾邪不正有違
禮經可與外任丙戌以翰林學士洪适簽書樞密院
事戊子步軍司統制官翟臯坐奏功冒濫奪所遷觀

察使止進橫行三官令本軍自效辛卯以武經郎令
德為安定郡王壬辰以淮南轉運判官姚岳言境內
飛蝗自死奪一官罷之丙申以兩淮守令勞徠安集
無效下詔戒飭之仍以詔置守令治所壬寅蠲廣東
殘破郡縣稅賦甲辰罷湖北京西制置司秋七月辛
亥詔知州年七十以上者與宮觀癸丑輔臣晚對選
德殿御坐後有大屏記注諸道監司郡守姓名因命
都堂視此書之甲寅借職田租二年以裨經費己未
鑄當二錢己巳蠲閩外四州民今年租賦及湖南賊
蹂郡縣夏稅八月己卯以永豐圩田賜建康都統司

癸未獲李金乙酉詔立子愔為皇太子丁亥虞允文
罷戊子大赦己丑以洪适為參知政事兼權知樞密
院事吏部侍郎葉顥簽書樞密院事兼權參知政事
庚寅立知州軍諸路總管鈐轄都監辭見法癸巳錢
端禮以避東宮親嫌罷為資政殿大學士提舉萬壽
觀戊戌吏部侍郎章服以論虞允文阿附罷謫居汀
州九月乙卯立廣國夫人錢氏為皇太子妃丁巳申
嚴百司官出入局之制丁卯升鼎州為常德府甲戌
以端明殿學士汪澈知樞密院事洪适兼同知樞密
院事乙亥置沿淮諸州都巡檢冬十月己卯遣方滋

等使金賀正旦戊子增頭子錢歸正人右通直郎劉
蘊古坐以軍器法式送北境伏誅壬辰御大慶殿開
皇太子癸巳詣德壽宮稱謝乙未詔侍從各舉所知
宗室一二人丁酉金遣高衍等來賀會慶節乙巳淮
北紅巾賊踰淮劫掠立賞討捕之己而知楚州胡明
遣巡尉擊殺其首蕭榮十一月辛亥招收兩淮流散
忠義人丙寅白氣曰天辛未遣龍大淵撫諭兩淮指
置屯田督捕盜賊十一月戊寅以洪适為尚書右僕
射同中書門下平章事兼樞密使汪澈為樞密使命
廣東提刑司招安李金餘黨癸未遣王曠等賀金正

生辰庚寅以業顯為參知政事兼同知樞密院事辛卯詔侍從臺諫兩省舉堪監司郡守者各一人三衙知閫舉材武可守邊者一人庚子罷兩淮諸州權攝官壬寅金遣烏古論忠弼等來賀明年正月癸卯詔樞密院文書依三省式經中書門下書書言讀至正二年春正月辛酉省六合戍兵以所墾田給還復業之民辛未命湖南監司在口恤寇盜殘破郡縣二月丁丑罷射貽屯田振兩浙江東饑戍寅辛壬津園宴射遂辛龍井三月乙巳禁立西利州路科稅保勝義士壬子召入勸刑獄官戊午殿中侍御史王伯序請裁

定奏薦詔三省臺諫集議具條式以聞詔縣令非兩任毋除監察御史非任守令臣毋除即官者為令丁卯賜禮部進士蕭國梁以下四百九十有二人及第出身及長再增諸州軍雜軍添差員闕辛未罷洪道右僕射癸酉以給事中權吏部尚書魏杞同知樞密院事兼權參知政事丁丑罷和羅夏四月戊寅以久雨命侍從臺諫議刑政所宜以聞減大理三衙臨安府及浙西州縣雜犯死罪以下囚一等釋杖以下庚辰詔兩浙漕臣王夔開平江湖秀園田辛丑避毀減膳甲申太白晝見癸巳御殿後膳乙未江激罷丁酉以知

荆南府李道憲恃戚里妄作罷之五月戊申張壽寧
已酉罷權借職田庚戌葉顥罷以魏杞為參知政事
右諫議大夫林安宅同知樞密院事兼權參知政事
中書舍人蔣芾簽書樞密院事癸丑太白晝見經天
禁浙西脩築園田罷脩建康行宮丁卯命監司守三
預備水旱六月甲戌罷兩浙路提舉市舶司詔諸路
監司部臣各察守令臧否以聞丙子刑部上乾道新
編特旨斷例戊寅詔制科權罷注疏出題守臣監司
亦許解送至辰封孫挺為福州觀察使榮國公據為左
平牛衛大心兩軍癸未詔使相母奏補文資七色補官

人母任子堂吏遷朝議大夫以五員為額乙酉申嚴
內外牒式法裁其額丙戌廢永豐圩戊戌詔改官人
實歷知縣一任方許闕升著為定式秋七月己酉調
泉州左翼軍二千人屯許浦鎮甲寅以鎮江都統制
戚方為武當軍節度使八月辛未朔詔兩淮行鐵錢
銅錢毋過江北癸酉以武鋒軍隸步軍司甲戌罷任
子年三十得免試參選之令丁丑蠲淮南放歸萬弩
手差後二年壬午詔諸州守臣兼訓練禁軍癸未降
會子交子于鎮江建康務場令江淮之人對換丙戌
林安宅劾葉顥之子交金失資罷之丁亥詔安宅篤

州居住溫州大水戊子以魏杞等知樞密院事蔣
希樞參知政事呂彙願與寅少保新興郡王吳蓋亮
甲午立中興以來十二度戰功格目乙未詔吳璘復
判興州丙申升宣州為寧國府罷戶部諸路歲糴一
年九月甲辰知上元縣李九升犯賍貸死杖脊剝面
配惠州牢城籍其貲丙午建康守臣王佐坐縱允升
去官奪三官勒停建昌軍居住餘失按官吏及薦舉
官奪官有差辛亥遣官按視溫州水災振貧民決擊
囚乙卯詔改造大曆辛酉追封子恪為邵王諡曰悼
肅甲子詔監司各舉部內知縣縣令二三人百四各

舉

二人己巳魏杞等上神宗哲宗徽宗三朝

帝紀太上皇聖政太白書見是月詔舉將帥置章奏
簿冬十月癸酉上太上皇聖政于德壽宮乙亥遣薛
良朋等使金賀正旦己卯減饒州歲貢金三之一蠲
諸路酒坊逋賦戊子知峽州呂令問坐縱贓吏知夷
陵縣韓執曾去官奪二官鄂州居住辛卯雨雹金遣
魏子平等來賀會慶節十一月丙午揚存中薨己酉
盡出內藏及南庫銀以易會子官司並以錢銀支遣
民間從便兩淮總領所許自造會子鬻南諸路營田壬
子詔脩祥曦殿記注乙卯密詔四川制置使汪應辰

如吳璘不起收其宣撫使牌印權行主管職事甲子
大閱戊辰築郢州城是月詔太冗兵十二月庚午朔
白氣亘天癸酉詔三省侍從臺諫兩淮漕臣郡守條
具兩淮鈔錢交子利害以聞乙亥遣梁克家等賀金
主生辰己卯以資政殿學士葉顥知樞密院事辛巳
詔免進呈欽宗日曆送國史院脩纂實錄壬午追封
楊存中為和王甲申以葉顥為尚書左僕射魏杞右
僕射並同中書門下平章事兼樞密使蔣執中參知政事
事吏部尚書陳俊卿同知樞密院事兼權參知政事
庚寅詔宰相領兼制國用使參知政事同知國用事

癸巳詔監司守臣舉無吏丙申金遣烏古論元忠等
來賀明年丁巳以江東兵馬鈐轄王抃為帶御器械
是歲裁定向外軍額

本紀卷第一十四

宋史三十四

開府儀同三司上柱國錄軍國重事尚書右丞顏勳修國史領經筵事都總裁臣脫脫等奉

勅修

孝宗二

三年春正月甲辰詔廷尉大理官毋以獄情白宰相
探刺旨意為輕重庚戌置三省戶房國用司初以國
用匱乏罷江州屯姓軍馬至是復番之癸亥罷銅錢
過江之禁裁定利州西路諸軍額二月壬申詔國用
司月上宮禁及百司官吏三衙將士請給之數癸酉
出龍大淵為江東總管曾覲為雄西總管甲戌大淵

改浙東觀改福建乙亥罷成都漳州路轉運司輪年
銓試以其事付制置司辛巳以端明殿學士虞允文
知樞密院事癸未雨雹甲申為知陳州陳亨祖立廟
于光州賜名愍忠丙戌以武經龜鑑孫子賜鎮江都
統戚方建康都統劉源癸巳措置淮東山水砦丙申
從太上皇太上皇后幸玉津園戊戌直秘閣前廣東
提刑石敦義犯賊刺面配柳州籍其家正月甲辰從
太上皇太上皇后幸聚景園辛亥詣德壽宮恭請裁
定醫官員額丁巳詔四川宣撫司創招千人置司所
在也駐壬戌伯母秀王夫人張氏薨夏四月辛未蠲

諸路州軍逋負癸酉為秀王王夫人八成服于後苑百

官進名奉慰丁丑合利州東西路為一戊寅以吳璘

知興元府充利州路安撫使四川宣撫使五月癸卯

葉顥等上三祖下仙源積慶圖及太宗真宗玉牒哲

宗寶訓甲寅吳璘薨庚申命四川制置使汪應辰主

管宣撫司事移司利州脩揚州城壬戌大減三衙官

屬六月己巳命汪應辰權節制利州路屯駐御前軍

馬辛未復分利州東西路為二甲戌以虞允文為資

政殿大學士四川宣撫使乙亥金遣使來取被俘人

詔實得在民間者還之軍中人及叛亡者不預戊寅

復以虞允文為知樞密院事充宣撫使帝親書九事
戒之罷淮西江東總領所營田募人耕佃壯丁各還
本屯癯老存留減半請給甲申詔鎮江都統制戚方
武鋒軍都統制陳敏各上清河口戰守之策進封吳
璘為信王丁亥詔後省參政理檢院典故辛卯皇后
夏氏崩振泉州水災秋七月己亥立薦舉改官額壬
寅以皇太子疾減雜犯死罪囚釋流以下乙巳皇太
子薨謚曰莊文己酉東宮醫官杜揖除名昭州編管
尋改瓊州閏月辛未詔諸軍復置副都統制文字與
都統制連書軍馬調發從都統制違者奏劾戚方罷

癸酉權攢安恭白皇后于臨安脩占寺丁亥戚方落節
鉞信州居住八月丁酉內侍陳瑜李宗回坐文結戚
方受賂瑜除名決杖棘西配循州宗回除名筠州編
管方責殺果州副使潭州安置籍所盜庫金以
犒軍甲寅以久雨命臨安府決繫囚丁巳葉顥等請
罷不許蠲光濠廬三州壽春府賦一年戊午遣官分
決滯獄壬戌以知建康府史正志兼沿江水軍制置
使自鹽官至鄂州沿江南北及沿海十五州水軍悉
歸之癸亥詔給舍討論考課舊法四州旱賜制置司
度牒四百備振濟九月戊子太白晝見冬十月乙未

朔占城入貢丁酉遣唐瑒等使金賀正旦戊戌脩真
州城以嗣濮王士輅為開府儀同三司庚子定內外
薦舉改官人歲額癸卯詔歸正借補官資人充樞密
院勅士於指定州軍以官庫酒息贍之者毋罷其給
乙卯金遣蒲察莎魯高等來賀會慶節十一月丙寅
合祀天地于園丘大赦戊辰雷已巳詔戒飭武臣及
百官癸酉以郊祀靈輿顯親並罷令陳俊卿為參
知政事翰林學士劉琪同知樞密院事甲戌蔣希陳
俊卿請罷不許丁丑以雷發非時詔臺諫侍後兩省
官指陳闕失辛巳詔侍從兩省臺諫卿監即官舉其

郎官寺監丞監司郡守者癸巳罷川路馬船十二月
丙申增脩六合城己亥遣王淪賀金主生辰乙巳置
豐儲倉增印會子辛亥以吳益為太傅庚申金遣使
單忠衛等來賀明年正旦是歲兩浙水四川旱江東
西湖南北路蝗振之

四年春正月戊辰籍荆南義勇民兵增給衣甲遇農
隙日番教壬午奪秦墳秦堪郊恩蔭補癸未雨雹甲
申辛天竺寺遂幸玉津園辛卯罷吳益郊恩蔭補壬
辰是顯慶二月甲午朔罷福建路賣鈔鹽蠲轉運司
歲發鈔鹽錢十五萬緡詔四川宣撫使虞允文集四

四
終藩臣會計財賦所入對立兵額丁酉命湖北安撫
司給田募辰沅靖三州刀弩手戊戌置和州鑄錢監
己亥以蔣芾為尚書右僕射同中書門下平章事兼
樞密使兼制國用使觀文殿大學士史浩為四川制
置使浩辭不行庚子詔蔣芾當朝贊拜不名芾辭許
之乙巳賜王炎出身簽書樞密院事癸丑五星皆見
乙卯雪兩霄三月庚午以敦文閣待制晁公武為四
川安撫制置使戊寅詔贈果州團練使韓崇岳立廟
賜名忠勇宣州觀察使朱勇立廟賜名忠節己丑四
方霧下若塵庚寅蠲楚州壯丁社民稅役謚陳亨祖

曰愍節是四月乙未置漢陽軍收發為益詔官吏非
犯公罪毋得引川併計築開發己亥置郢州轉般倉
癸卯遣使撫邛蜀二州饑民為亂者己酉追封韓世
忠為新王甲寅蔣芾等上欽宗帝紀實錄丙辰禮部
員外郎李燾上所著續通鑑長編自建隆至治平一
百八卷丁巳詔大使局參用新舊曆戊午詔取牛道
滋者論如興敗軍酒之罪是月振綿漢等州饑五月
癸亥出度牒十道續減四川科調乙丑太白晝見以
邛州安仁縣荒旱失于蠲放致饑民擾亂守或縣令
降獲追復有差甲申謚趙鼎曰忠簡丙戌行乾道新

曆丁亥以饒信二州定寧府饑民需粟遣官措置振濟是月丙辰任敬德遣使至四川宣撫司約發兵攻西番六月辛卯朔太白晝見經天甲午詔罷廣西鈔鹽復官緞官賣法歲減轉運司鈔錢十九萬緡其秋苗毋得科折戊戌蠲諸路逋負乾道元年二月和帝折帛雜色錢辛丑龍大淵卒詔以為寧武軍節度使致仕五星皆見癸卯詔四川宣撫司增印錢引一百萬對償民間預信錢蠲印幣二州復稅丁巳召興化軍布衣林豸赴行在戊午蔣希以母喪去位秋七月壬戌以劉珙兼參知政事召建寧府布衣魏掞之赴

行在申禁異服異樂癸亥徽州大水己巳罷沿江水軍制置司辛未衢州大水八月知衢州王玠改盛暑禱雨蔬食戒膳憂勤致疾而死贈直龍圖閣丁亥以經總制餘剩錢二十一萬緡撥留印蜀州以備振濟己丑以又兩御延和殿廣四戒臨安府三衙死罪以下四釋杖以下是月西夏遣間使來八月乙未班祈雨雪之法于諸路己亥五星皆見丁未主管殿前司公事王琪傳言不實擅興工役降三官放罷庚戌劉珙罷辛亥陳俊卿請罷政不許九月庚申立內外將佐并差審察法庚午從太上皇幸天竺寺依品官于

孫名田是秋罷關外四州營田官兵募民耕佃冬十月壬辰遣鄭陶等使金賀正旦甲午禁歸正人燕置金人者乙未臣僚言天下之事必歷而後知試而後見為縣令言必為丞簿為郡守者必為通判為監司者必為郡守皆有等差自今職事官及局務官必任端方許求外未歷親民任使即未得擬州郎且授通判諸從之庚子蔣希起復尚書左僕射陳俊卿右僕射並同中書門下平章事兼樞密使兼制國用使甲辰大閱己酉金遣格刺神獨等來賀會慶節庚戌大風十一月七日戊戌知無為軍徐子寅借置楚州官

田招集歸正忠義人以耕甲戌嚴盜賊法乙亥詔峽州布衣郭雍并行在壬申兩淮歸正忠義有田產者蜀後五年癸未岳陽軍節度使居廣封永陽郡王十二月丙申遣胡元質等賀金主生辰甲辰賜魏瑛之同進士出身為太學錄事辭起復許之減兩浙江東西路明年夏稅和中之半甲寅金遣完顏仲仁等來賀明年正月

五年春正月甲戌措置兩淮屯田二月己丑申嚴大廟李黠法乙未命楚州兵馬鈐轄羊滋專一措置沿淮海盜賊先是海州人時旺聚眾數千來請命

尋爲舍人所獲莫從渡淮而南者甚衆故命滋彈壓
之戊戌贈張浚太師謚忠獻壬寅以給事中梁克家
簽書樞密院事癸卯大風甲辰以三災參知政事兼
同知樞密院事丙午兩寇辛亥詔自今詔令未經兩
省書讀者毋輒行給舍駁正毋連衙同奏三月丁巳
朔詔趣脩廬和二州城己巳蠲成都府路民六歲輸
對糶米脚錢三十五萬緡乙亥以王炎爲四川宣撫
使仍參知政事召虞允文赴行在丙子賜禮部進士
鄭僑以下三百九十有二人及第出身壬午賜郭雍
號冲晦處士癸未罷利州路諸州營田官兵募民耕

佃詔侍從監司歸臣官軍薦武舉出身人可將佐者
夏四月己丑復置將作軍器少監壬辰以梁克家兼
參知政事辛丑詔福建路貧民生子官給錢米庚戌
脩襄陽府城辛亥振恤翟發饒信四州流民五月己
巳帝以射弩弦斷傷目不視朝金牒取俘獲人王抃
議盡遣時旺餘黨陳俊鳩持不可帝然之六月庚寅
太白晝見戊戌始視朝己酉以虞允文爲樞密使秋
七月乙丑召曾覲入見陳俊卿及虞允文請罷之不
許覲至行在俊卿允文復言其不可留詔以覲爲浙
東總管八月甲申朔日有食之己丑以陳俊卿爲尚

書左僕射虞允文為尚書右僕射並同中書門下平
章事兼樞密使兼制國用使辛亥命准西路鑄小鐵
錢九月己未罷准東屯田官兵募民耕佃辛酉詔准
東諸州農隙教閱民丁甲子詔侍從臺諫集議欽宗
配饗功臣壬申大風命准西安撫司參議官許子中
措置淮西山水砦招集歸正忠義人耕墾官田冬十
月乙酉遣汪大猷等使金賀正日戊子振溫台二州
被水貧民以守之監司失職降官員有差戊戌大風已
亥命饒信二州屯戍各留上供米二萬石以備振糶癸
卯金遣高德基等來賀會慶節十一月癸丑朔復置

淮東萬弩千名神勁軍唐台增置廣東水軍乙丑以
孫擴為右千牛衛大將軍以明州定海縣水軍為御
前水軍丙寅為岳飛立廟于鄂州己巳太白晝見辛
未詔侍從臺諫兩省官各舉京朝官以上才堪監司
郡守者三人壬申復成閔慶遠軍節度使鎮江諸軍
都統制十二月己丑遣司馬級等賀金主生辰辛卯
大風丁酉置應城縣馬監復李顯忠威武軍節度使
乙巳復置成都府廣惠倉戊申金遣完顏毅等來賀
明年正月
六年春正月癸丑雅州沙平蠻寇邊焚明門出四川

制置使晁公武調兵討之失利乙卯脩楚州城丁巳
復強盜舊法真四年十一月指揮勿行癸亥初降金
字牌下四川宣撫司備邊表己丑增築豐儲倉庚午
以奉國軍承宣使知廬州郭振為武泰軍節度使二
月乙酉詔戶部侍郎二人分領諸路財賦丁亥復置
舒州同安監鑄鐵錢辛卯王炎遣人約沙平繼歸部
稍捐邊稅與之丙申廣西路復行鈔蓋法仍增收通
貨錢四十萬緡以備漕計壬寅詔諭大臣均役法嚴
限田抑游手務農及己酉置應城縣孳生監庚戌以
曾覲為福州觀察使遣司農寺丞許子忠誼淮西指

置鐵錢三月癸丑用二省言兩淮守帥宜以其任二
年後察其能否以行益罰乙卯裁減樞密院吏額一
百十有四八丁巳詔步軍司權以三萬五千人為額
起復王抃知閣門事專一措置三衙揀選官兵贈彰
國軍節度使大周仁為太尉庚申從太上皇太上皇
后幸聚景園乙丑以晁公武三災不協罷四川制置
司歸宣撫司辛未從太上皇太上皇后幸聚景園甲
戌裁減三省吏額七十人戊寅以知紹興府史浩為
檢校少傅保寧軍節度使己卯詔兩淮州縣官以敏
簡易其任復置江浙荆湖淮廣福建等路都大發運

使以新知成都府史正志為之夏四月辛巳朔罷鑄錢司歸發運司併淮東總領所歸淮西總領所以敷文閣直學士張震知成都府充本學安撫使乙未賜發運使史正志緡錢二百萬為均輸和糶之用吏部尚書汪應辰三上疏論發運司成成以應辰知平江府五月甲寅裁減六部吏額百五十人其餘百司三衙以是為差已未陳俊卿虞允文等上神宗誓宗徽宗欽宗四朝會要太上皇玉牒已已陳俊卿以議遣使不合罷為觀文殿大學士知福州罷行在至鎮江征稅所比近者十有三甲戊戌詔戒飭百官丁丑知湖州

曾造犯賊貸命南雄州編管籍其家戊寅詔給舍臺諫言事閏月壬午詔監司帥臣舉守令賊否失實依果清要官法定罪并甲申印給諸州上供綱目季申而歲赦之以為賊最戊子遣范成大等使金求陵寢地且請更定受書禮辛卯吏部侍郎陳良祐論祈請使不當遣恐生邊釁詔以良祐妄與異論不忠不孝放罪送筠州居住癸巳增環衛官奉以深克察為舉知政事兼同知樞密院事壬寅以江東漕司官石不親按行水災州郡降二官甲辰辛次曆嘉慶中後置武臣提刑六月壬子中嚴外監節官更迭補外之調三

由增武學生為百人癸酉置斬州斬春監黃州齊安
監鑄錢錢是月崇國公從自東宮出居外第教七月
癸未詔以沙田蘆場歲收租稅六十餘萬歸入左藏
南庫丙戌詔川廣監司郡守任滿奏事詔方謂巴
置興國軍與國監甲午詔除即官並引製事庚子
丑復置御前弓馬事所命吳挺兼提舉賜岳飛廟
曰忠烈八月庚戌虞允文請蚤建太子癸丑復置許
定一司勅令所丙寅置閣門舍人十員是月虞允文
上乾道勅令格式九月乙辰賜蘇軾謚曰文忠辛丑
沅州蠻人相讐殺守臣孫叔傑出兵詔平之失利蠻人

進迫州城安撫司諭解之叔傑尋獲罪是月范成大
至自金金許以遷奉及歸欽廟神宮而不易受書禮
又十月己酉以孫據為左千牛衛大將軍丙辰詔發
運使置司行在謚司馬朴曰忠勳辛酉置呂正己等
使金賀正旦丁卯金遣郭律于敵等事會慶節甲
戌起居舍人趙鼎請置局議恢復事以鼎為中書舍
人十一月丁丑朔復置軍器監一員辛丑合祀天地
于園丘大赦乙未復置神武中軍以是為都統制
及會觀提舉在神觀丁酉加上光孝壽聖太上皇帝
尊號曰光孝壽聖憲天體道太上皇帝

后尊號曰壽聖明慈太上皇后是月建雄等賀金
主生辰別函書請更受書之禮置在壽南上庫十二
月戊申大閱甲子置江州廣寧監監軍豐餘監撫
州裕國監鑄鐵錢壬申金道滿察察等來賀明年正
旦癸酉罷發運司以史正志奏課下實貢為楚州團
練副使永州安置是歲兩浙江東西福建水旱

七年春正月丙子率群臣奉上太后上皇太后皇后冊
寶于德壽宮庚辰虞允文復請建太子帝命允文擬
詔以進士寅命三省旬錄宣諭聖語及時政記同進
是月復鑄錢司二月癸丑詔立子博為皇太子大赦

以慶王愷為雄武保寧軍節度使判寧國府進封魏
王丁巳增置皇太子宮講讀官與申罷會子庫仍賜
戶部內藏南庫緡錢二百萬銀九十萬兩以增給官
兵之奉甲子詔寺觀毋免稅後丁卯太傅大寧郡王
吳益薨壬申大風三月乙亥朔趙雄至金金拒其請
詔訓習水軍丙子立恭王夫人李氏為皇太子妃戊
寅徙侍衛馬軍司成建康己卯起復劉珙同知樞密
院事以明州觀察使知閣門事兼樞密都承旨張說
簽書樞密院事左司員外郎兼侍講張栻言說不宜
執政乙酉立沿海州軍私齎餉錢下海船法丙戌復

置將作監殿中侍御史李處全乞遣張說按行邊戍
以息衆論中書舍人范成大乞下草詞戍子說罷為
安慶軍節度使提舉萬壽觀張實遣使覈兩淮種麥
丙申御大慶殿冊皇太子禮部侍郎鄭聞工部侍郎
胡銓樞密院檢詳文字李衡秘書丞潘慈明並罷虞
允文乞留銓乃以為寶文閣待制兼侍講己亥皇太
子謝于紫宸殿宰相率百官赴東宮賀夏四月戊申
以會觀為安德軍承宣使庚申詔諸路增收無額錢
物並輸南上庫壬戌從太上皇太后幸聚景園
甲子詔皇太子判臨安府己巳詔侍從臺諫兩省官

舉任刑獄錢穀及有智略不能者各二人辛未詔皇
太子領臨安尹五月戊寅復置淮東總領所丁亥劉
珙起復同知樞密院事為荆襄宣撫使珙辭不拜庚
寅金人葬欽宗于鞏原丁酉詔廣西帥臣措置南丹
州市馬是月遣知閣門事王忬點閱荆襄軍馬六月
丙午復主管馬軍司公事李顯忠為太尉己巳賜吳
璘謚曰武順壬申詔兩淮墾田毋創增稅賦秋七月
庚子以王炎為樞密使四川宣撫使八月丙辰詔兩
淮民丁充民兵者本名丁錢勿輸辛酉復脩襄陽城
九月壬申朔以江西湖南旱命募民為兵甲申從太

上皇太上皇后幸東園戊子安定郡王令德薨冬十月丁未罷紹興宗正行司改恩平郡王璿判西外宗正已酉遣莫濛等使金賀正旦壬戌金遣烏林荅天錫等來賀會慶節天錫要帝降榻問金主起居虞允文請帝還內命知閣門事王抃諭天錫以明日見天錫沮退癸亥會慶節金使隨班入見十一月甲戌御集英殿策試應賢良方正能直言極諫科李皇戊寅錫皇制科出身十二月丁未遣翟絳等賀金主生辰庚申詔閣門舍人依文臣館閣以次輪對癸亥罷太醫局丙寅金遣完顏宗寧等來賀明年正旦是歲湖南

江東西路旱振之

八年春正月庚午朔班乾道勅令格式丁酉朝獻景靈宮遂幸天竺寺玉津園二月乙巳詔改尚書左右僕射同中書門下平章事為左右丞相丙午詔六察分隸事有違戾許監察御史隨事具實狀糾劾以聞戊申遣姚憲等使金賀上尊號附請受書之事辛亥以虞允文為左丞相梁克家為右丞相並兼樞密使癸丑以安慶軍節度使張說吏部侍郎王之奇並簽書樞密院事侍御史李衡右正言王希呂交章論說不可為執政不報禮部侍郎兼直學士院周必大不

草谷詔權給事中莫濟封還錄黃詔並與在外宮觀
丙辰詔罷王希呂與遠小監當尋詔與宮觀丁巳李
衡罷為起居郎丙寅戶部尚書曾懷賜出身參知政
事三月戊子詔省侍中中書尚書令負以左丞相
充其位夏四月庚子賜禮部進士黃定以下三百八
十有九人及第出身己酉殿中侍御史蕭之敏劾虞
允文擅權不公允文請罷政許之翼日復留出之敏
提點江東刑獄甲子措置兩淮官田徐子寅等坐授
田歸正人逃亡奪官有差乙丑詔再蠲兩淮二稅一
年五月戊子福建益行鈔法丙申立宗室銓試法六

月庚子以武德郎令擅為金州觀察使封安定郡王
壬寅蠲兩淮歸正人撮收課子淮東巡尉有縱逸歸
正戶口過淮者奪官有差壬子省監司薦舉員秋七
月辛巳罷淮西屯田官兵募歸正人耕佃姚憲曾覲
至自金金人拒其請癸未以覲為武泰軍節度使壬
辰兩電九月戊辰定江西四監鐵錢額乙亥詔三炎
赴都堂治事戊寅以虞允文為少保武安軍節度使
四川宣撫使封雍國公己丑賜允文家廟祭器壬辰
允文入辭帝諭以決策親征令允文治兵奏報冬十
月丁未遣馮樽等使金賀正旦丙辰金遣夾谷清臣

等來賀會慶節嚴借諸路職田十一月辛未遣官
江浙福建二廣湖南八路官田辛巳復四川諸州款
授員庚寅進檢校少傅知福州史浩開府儀同三司
十二月戊戌蠲兩淮明年租賦甲辰詔京西招集歸
正人授田如兩淮甲寅命四川試武舉丙辰追封劉
光世為安成邵王丁巳遣韓元吉等賀金主生辰庚
申復置鑄錢司提點官二員辛酉金遣曹望之等來
賀明年正旦是歲隆興府江筠州臨江興國軍大旱
四川水

九年春正月辛未王之奇罷為淮南安撫使王炎罷

為觀文殿大學士提舉洞霄宮乙亥以張說同知樞
密院事戶部侍郎沈夏簽書樞密院事戊寅遣官蠲
兩浙營田及沒官田次及江東西四川如之以刑部
尚書鄭聞簽書樞密院事乙酉福建鹽復官實法是
月以措置兩淮荆襄十六事勅安撫轉運使督諸州
守臣月具所行事奏仍審擇減否以議黜陟閏月戊
申以久雨命大理三衙臨安府及兩浙州縣決繫囚
減雜犯死罪以下一等釋杖以下乙卯脩廬州城辛
酉大風幸天竺寺玉津園二月壬申蠲江西旱傷五
州逋負米乙亥青羗奴兒結寇安靜砦黎州推官黎

商老戰死乙酉孫榮國公挺薨追封豫國公丁亥特
贈蘇軾爲太師三月甲午禁北界博易銀絹戊申從
太上皇太上皇后幸聚景園癸丑復以進奏院隸門
下後省丙辰復分淮南安撫司爲東西路夏四月丁
丑裁定武鋒軍軍額己丑皇太子解臨安尹事五月
壬辰朔日有食之己未以迪功郎朱熹屢詔不起特
改宣教郎主管台州崇道觀六月甲戌禁兩淮荆襄
四川諸州籍民戶馬己丑戒飭監司守令勸農秋七
月壬寅青羗奴兒結降辛亥吐蕃彌羗畜列陷安靜
紫引兵深入黎州守臣誘邛部川蠻擊却之八月丙

子詔興脩水利癸未合荆鄂二軍爲一以吳挺克都
統制九月丙申梁克家等上中興會要太上皇及皇
帝玉牒庚子命盱眙軍以受書禮移牒泗州示金生
辰使金使不從冬十月甲子遣留正等使金賀正旦
右丞相梁克家與同知樞密院張說議使事不合乃
求去辛未克家罷爲觀文殿大學士知建寧府壬申
喬雲見甲戌以曾懷爲右丞相張說知樞密院事鄭
聞參知政事沈夏同知樞密院事庚辰金遣完顏襄
等來賀會慶節丁亥襄等入辭別函申議受書之禮
仍示虞允文速爲邊備十一月辛卯詔樞密院除授

及財賦事關中書門下省其邊機軍政更不錄送戊戌合祀天地于圜丘大赦改明年為淳熙元年十二月己未朔戒勅沿邊諸軍毋輒遣間探招納叛亡甲子沈夏罷乙丑以御史中丞姚憲簽書樞密院事遣韓彥直等賀金主生辰辛未交趾入貢癸酉罷廣西客鈔鹽復官般官賣法甲戌遣使措置宜州市馬乙亥以嗣濮王士鞞永陽郡王居廣並為少保乙酉金遣完顏璋等來賀明年正旦以議受書禮不合詔俟改日以太上皇有旨姑聽仍舊丁亥璋等入見是歲浙東江東西湖北旱

淳熙元年春正月乙未禁遊西諸關株伐林木戊戌罷坐倉糴米賞庚子罷兩淮將帥權攝官丙午禁兩淮耕牛出境以交趾入貢詔賜同冬安南封南平王李天祚為安南國王二月癸酉虞允文薨辛巳為郭浩立廟于金州三月戊子朔詔寄祿官及選人並去左右字丙申以鄭聞為資政殿大學士四川宣撫使戊申幸玉津園癸丑金遣梁肅等來計事夏四月戊辰從太上皇幸聚景園壬申許桂陽軍蔡洞子弟入州學聽讀乙亥詔四川宣撫司劄關諸州將兵戊寅遣張子顏劾于使金報聘己卯以姚憲參知政事戶部

賀人金主生反丙寅罷鐵鑄改鑄銅錢庚午詔禮官論
復魏悼王襲封壬申葉衡等上言宗王濬金遣劉仲
誨等來賀明年正旦以資政殿學士知江陵府沈夏
升大學士為四川宣撫使仍命升兼樞密使師場務還
軍中新四川制置使范成大改管內制置使
二年春正月癸巳前宰相梁克家曾懷坐擅改堂際
克安
安新春監丁未以兩淮諸莊歸正人安業徐子寅等
行賞有差庚戌詔籍諸軍子弟為背嵬軍三月丙申
以太上皇壽七十詔禮官討論慶壽典禮乙巳詔武

舉第一人補秉義郎堂除諸軍計議官夏四月乙卯
賜禮部進士詹駉以下四百二十有六人及第出身
己巳幸玉津園是日茶寇賴文政起湖北轉入湖南
江西官軍數為所敗命江州都統皇甫倬招之五月
辛卯諭宰相以朝政闕失士民皆得獻言庚子命鄂
州都統李川調兵擒茶寇乙巳詔知縣三年為任六
月庚戌朔詔自今宰執侍從以下除外任非有功績
者不除職名外任人非有勞效亦不除職以沈夏同
知樞密院事辛酉罷四川宣撫司以倉部郎中辛棄
疾為江西提刑節制諸軍討擒茶寇丁卯罷立司諫

湯邦彥言落蔣帶三炎觀文殿大學士張說落節度使帶真昌軍安袁州說撫州並居在辰辰後濟湖南江西被寇州縣是月茶寇自湖南北廣東秋七月辛丑有星孛于西方八月丙辰江西總管賈和仲以捕茶寇失律除名賀州編管甲子賜安南國王印丁卯獨湖南江西被寇州縣租稅丁丑遣左司諫湯邦彥等使金申議九月乙卯朔湯邦彥請分揚廬州荆南襄陽府金州興元府與州為七路每路文臣一人充安撫使以治民武臣一人充都總管以治兵三載視其成以議誅賞從之乙酉振恤淮南水旱州縣乙未

葉衡罷丁未沈夏罷贈趙鼎為太傅還其爵邑追封豐國公閏月丁巳以李彥穎參知政事翰林學士王淮簽書樞密院事甲子詔武臣從軍毋帶內職是月辛未彙疾誘賴文政殺之茶寇平冬十月戊寅朔賞平茶寇功湖南江西廣東監帥默陟有差庚辰大風壬午詣德壽宮加上光堯壽聖憲天體道太上皇帝尊號曰光堯壽聖憲天體道性仁誠德經武緯文太上皇帝壽聖明慈太上皇后尊號曰壽聖齊明廣慈太上皇后乙酉遣謝廓然等使金賀正旦戊戌金遼完顏禧等來賀會慶節十一月戊申朔太上皇帝尊

上皇后冊寶于德壽宮庚戌麗正門內火災五大風
戊午提點坑冶三損進羨餘十萬緡詔却之十二月
辛巳班淳熙吏部七司法遣張宗元等覈金土壬辰
甲午朝德壽宮行慶壽禮大赦文武官封父母賞諸
軍議放天下苗稅三之一大臣言國用不足迺止丙
申更定強盜賊法甲辰金遣完顏迨等來賀明年正
旦

三年春正月甲寅以常州旱寬其逋負之半剛犯賊
陰補法振淮東饑仍命貸貧民種乙丑振恤歸正人
二月壬午蠲兩淮教閱民兵夏稅癸未以伯圭為安

德軍節度使甲申詔四川監司帥守聞命之官毋候
告勅賜韓世忠謚曰忠武是月罷諸路鴉片管田三
月丙午朔日有食之露雲不見辛亥上太上皇日曆
于德壽宮己未置六部編勅司癸亥幸報恩寺遂幸
聚景園己巳併左藏四庫為二辛未詔四川制置司
歲擇梁洋義士材武者二人遣赴樞密院壬申立任
子參選覆試法夏四月戊寅詔侍從臺諫兩省官歲
舉監司郡守各五人辛巳靖州瑤人寇邊遣兵討捕
之丁亥兩電己丑責受葉衡安德軍節度副使彭州
安置丁酉湯邦彥陳雷奉使無狀除名邦彥新州雷

永州編管已亥詔諸路提刑歲五月理四五月癸丑
合利州東西路為一安南國王李天祚卒戊午遣使
弔祭壬申太白書見六月乙酉減四川酒課四十七
萬餘緡甲午以朱熹屢詔不起特命為秘書郎熹不
就秋七月乙丑禁浙西圍田八月乙亥以王淮同知
樞密院事禮部尚書趙雄為書樞密院事詔六察官
糾察庶務臺綱益振各進二官庚辰太上皇詔立貴
妃謝氏為皇后壬午以久雨命中外決繫囚戊戌靖
州搖寇平九月癸亥詔自今犯公罪至死者其蔭補
其所犯妻裁著為令冬十月甲戌以久雨命中外決

繫囚丙御文德殿問皇后丁丑命臨安守臣嚴禁
後庚辰詔自今非歉歲不許蠲免爵與未遣闕卷舒等
使金眉金旦壬辰金遣蒲察溫等來賀會慶節十一
月癸丑合祀天地于闕立大赦庚午遣張子正等賀
金主壬辰十二月己丑黎州蠻寇邊官軍失利蠻亦
遁去甲午詔職事官補外者復除職如故事追封吳
玠為涪王丁酉定鑄錢司歲額為十五萬緡戊戌
金遣劉琬等來賀明年正月己丑定歲宗西湖此諸州與
元府金洋州旱紹興府台廢州水並振之
四年春正月戊申詔自今內外諸軍歲一閱試庚申

詔沿江諸軍嚴戒青水戰丙寅兩寇丁卯斐得熙曆
二月乙亥辛太學祗謁先聖退御教化堂命國子祭
酒許光朝講中庸下詔遂辛武學謁武成王廟監學
官進秩一等諸生推恩賜帛有差己卯詔諸軍毋以
未補官人任軍職戊子立邊人逃入溪洞及告捕法
癸巳立武臣授環衛官法戊戌以新知荆南府胡元
質為四川安撫制置使兼知成都府三月乙巳以史
浩為少保觀文殿大學士醴泉觀使兼侍讀進封永
國公己酉龔茂良等上仁宗王牒徽宗實錄皇帝玉
牒庚戌去王津園宴射壬子貸隨郢二州饑民米詔

李龍翰襲封安南國王甲寅脩韶州城丙寅幸聚景
園夏四月甲戌以魏王愷為荆南集慶軍節度使行
江陵尹判明州如故乙亥參知政事龔茂良以曾覿
從騎不避道杖之戊寅上奏乞罷政不許甲午給歸
正官子孫田屋五月庚子朔幸佑聖觀罷四川和籩
六月丁丑龔茂良罷己卯以王淮參知政事辛巳班
幸學詔癸未升蜀州為崇慶府甲申詔自今宰執朝
殿得旨事須覆奏乃行秋七月辛丑禁江上諸軍盜
易戰馬後襄陽饑民壬寅立待補太學試法戊申班
御史臺覆奏格乙酉罷臨川伯王粲從祀癸丑龔茂

良責授寧遠軍節度副使英州安置甲寅申嚴四川
入蕃者禁不甲子班溥熙重修勅令格式八月辛巳禁
耕牛通流九月丁酉朔日有食之巳亥命脩築海潮
所壞塘岸辛丑免宰執以下會慶節進奉庚戌命禮
官定開寶鼓和祀禮戊午閱蹴鞠于選德殿冬十月
丙子以久陰命中外決繫囚遣錢良臣等使金賀正
旦丁丑詔監司守臣歲舉武臣堪知縣者各二人巳
卯詔將士智勇傑出者躡等升差丁亥金遣完顏忠
等來賀命慶節十一月丁酉詔兩淮歸正人為強勇
軍庚子以趙雄同知樞密院事壬戌太白晝見災交

心等員金主生辰十二月丁卯試四川所上義
士二人官而遣之巳巳詔行薦舉事實格法乙亥大
閱辛巳蠲太平州民貸常平錢米壬辰金遣完顏炳
等來賀明年正旦是歲福州建寧府南劍州水並振
之

